

遵義府志

卷十一之十一

農桑 物產

第柒册

遵義府志卷十六

農桑

我

國家勤民務本令天下立先農壇先蠶廟誠重衣食之原也遵義山原環互五種之利號近蜀其耕斂大致相同雖中間纖悉鄉邑異致要其人功節物可略言也數十年來齊蠶之種徧山谷爲利固亦時有盈虛仰食者與正安桑蠶等矣更能畦稜牆角莫不拾紅萁金錢此邦庶其無遺利乎今並纂著而於言桑事之宜茲土者亦略緝之以諗謀地方者

農官

小土紅沙紅油沙崖糞泥性煖耐旱所種穗大而堅均是爲上地大眼泥鴨矢泥白油沙火石土性煖不耐旱糞之盡力耕之及時所種亦穗大而堅均是爲中地大黃泥白塘泥豆麩泥蘇巴泥耕糞不失法歲亦薄收是爲下地冷白沙冷黑沙雖不失法薄收也幸焉是爲下地漕沙泥黑油沙不糞自肥宜菽稷不可稻在山坡爲上地地土之性剛柔有定轉變不時惰農能美者使惡良農能瘠者使肥是視人力之爲之

秈稻之種數十其秧及三旬不擇地而栽者曰火燄秈亦曰穀王曰茅香早曰雲陽白曰大小齊秈曰百日黃曰白風秈曰漢麻秈曰飛蛾秈其及三旬必肥田可栽者曰大小貴陽秈曰麻貴陽曰至笨秈曰油秈曰旗秈曰白秈曰大南秈必肥田又必及四旬栽者曰烏梢秈曰半邊秈曰晚穀其別者曰旱穀種乾地糯稻之種數十及三旬栽不擇肥瘠者曰早黃糯曰竹丫糯曰金釵糯必肥田又必及四旬者曰黃絲糯曰灰包糯曰簷塵糯曰杯杯糯曰遲黃糯曰白果糯曰牛蟻子曰白楊糯曰江西糯名不可悉數也各

通言凡元 卷之六 二
宜其方麥之類五曰大麥亦曰米麥曰小麥亦曰禿頭麥曰老麥曰香麥亦曰南麥回麥燕麥曰青稞麥豆之類十曰黃豆曰胡豆蠶豆也曰豌豆曰綠豆曰赤黑豆大者曰縱子豆曰爬山豆曰米豆有紅白雜色曰四季豆曰刀豆莢有赤白黑青其別厚大若肥阜者曰大刀豆曰豇豆豌豆之種三曰麻豌豆曰白豌豆曰菜豌豆亦曰肉豌豆爬山之種二曰小豆曰苗豆麻之類三曰芝麻胡麻也曰火麻大麻也曰蘇麻苧之種三曰花蕎亦曰甜蕎曰苦蕎曰藥蕎包穀之種七曰箐包產高山墾不宜曰九子包一莖九實五色各以色

名稗之類三曰稗子亦曰雞爪稗曰水稗水種其修如高粱曰爛草米稷曰高粱禾曰小穀黍曰水子米三者有秬糯無別種

水田皆宜稻乾田宜胡豆山地肥者宜諸豆高山宜包穀山地之新墾宜小穀冷濕地宜稗子乾鬆宜諸蕎米麥水子米惟宜肥地包穀高粱香麥小麥老麥青稞爬山豆種瘠地亦獲微收

糞必合土性之寒煖大糞涼黃土紅沙地之高燥者宜豕糞同之馬糞熱冷水冷沙地之卑濕者宜菜油巴灰漿泥大眼泥宜惟牛糞不擇地柴草灰和溺宜

種高粱諸豆石灰桐油巴最宜肥瘠田治田瘠實爛包田莫煤灰若胡豆青性峻速糞秧地為上

農事

正月元日宜陰七日宜晴八日宜明甲子宜雨立春

宜日忌雪裏雷正月無打雪二月雨不是月也

雇長年糾犁驅牽索整田器種樹挑沙砌田坎始抄

乾田打土理溝二月驚蟄宜陰冷三月無秧水四月耕上節春分宜

小雨泥春分有雨病入種忌火風令豆不實是月也添冬

水整水輪出牛糞始犁水田三月清明宜晴穀雨宜

雨晴穀雨淋忌無雷雨是月也糞秧地下種家懔懂

穀雨占下種黑大春曬秧水四月立夏宜雨下犁耜高挂小

滿宜雨滿芒種不管喜天寒忌烈日火穀不用簸是

月也車水掃秧蟲收胡豆穫麥浪田始薅大春五月

端陽宜雨夏至宜雨雨十八河忌火風是月也栽

秧畢穫菽朗高粱包穀薅頭秧旱爛田六月小暑宜

雨三伏宜晴雨秋天晴無忌小暑雷雷翻轉作黃梅

火風是月也鋤豆薅二秧車水始食包穀七月朔宜

晴諺曰七月初一晴八月無雨立秋宜雨諺曰立秋

十四個處暑宜晴忌甲子雨午時風諺曰人怕老來

是月也薅蔗打茅稗放水田儲種小春闌穀點秋菽

白露宜雙日且晴雙乾穀上倉忌風雨落黃沙諺曰

黃沙三日雨三日晴是月也穫穀諺曰白露不低散草上

草樹藏穀包穀小穀豆畢收始犁板田九月寒露宜

晴霜降宜晴忌爛九黃是月也點小春曬穀十月立

冬宜晴忌久雨爛豆麥甲子雨諺曰冬甲子雨牛馬凍死是月也

收秋菽苴牛欄苴音砍柴馱刺整籬援聲始開山田

十一月冬至宜晴是月也撈葉掘楫頭挑煤十二月

宜雪是月也看冬水護林整屋蓋墻

凡農儲糞為至計來年之糞隔年必先積之以一屋

掘大深坎甃以磚石勿令滲漏凡牛馬糞悉盛之又

以一屋積灰便凡掃除之土燒之灰糠粃之灰俱沃

之勿令風雨日星飄落致散力性若不勝積春二月

出之仍坎積覆以草土俟以時散

治秧節必穀雨以其氣宣地必向陽以其水溫泥必

淺腳以其土不寒秧田先融以水壯以糞醒以犁揉

以耜如是者三然後以大糞沃之以豆青覆之以淤

泥埒之俟水澄青乃爛乃下種秧必善諺曰秧好半

架苗秧之壯者苗碩長碩長則粟飽故精治秧者收

強謹胎教者子良

浸種法三山農浸已烘之亮之曰火芽平地農浸三日濾之盛以簾覆以草日噴水者三待芽甫生即亮之曰屋芽又曰明芽浸已濾之不俟芽即撒者曰啞穀明芽法最無害費多爲此必早秧不足田煖氣催不得已始爲啞穀亮芽忌酒氣撒之日尚庚落泥後天暖則淺其水寒則深芽喜晴寒則入泥入深則不生撒之水養二日即芽老時其晴急放水乾細理其蕩使芽得土氣即根定不浮上曬一日微微灌水使露秧尖則易長撒三四日不得曬則芽入泥必多壞撒四五日若雹打必壞盡可以再撒若刺水青而壞

田必微糞乃可再

曬水後二旬秧乃生螟每日及辰申以竹船掃之必輕以均遲則降水附秧根船製如竹夫人中置鋸鋸藤數莖兩頭懸長竿之顛蟲拂之黏於藤淘之溪或奔諸林秧老即蟲不生或秧水麻是下癆也治以地灰癆乃不生

秧適栽時不得遲一二日遲則穀不豐將栽必先浪田不浪則田冷而氣不融諺曰願栽三日黃秧不栽一夜冷田言秧可前數日拔田不可隔夜浪也栽沃田行宜稀瘠田宜密栽忌屈頭屈必死忌立身

立必浮起忌日烈水淺主炮腰易斷忌隨手青主不
榮栽後欲轉黃黃而青苗必好栽後三旬卽耘又三
旬再耘務絕其草漸以蔗三耘之曰薈蔗薈蔗粟益
飽也

灌溉之利闡河爲上溪水之流隨地勢次第節爲堰
而分之使東西溉又相田之高卑爲小溝輪日洩閉
灌無不均足坐食其利者也故一溪若流百里則百
里近岸地皆上田次則莫如泉泉委長者可坐灌十
里田但泉有冷熱熱者豐冷則穀遲遲病秋風又次
莫若車田溪大岍高不可闡橫隄之近岍砌隘港焉

水至此速因爲水輪使卽以灌一輪之水常輸五十
石穀田歲一補三歲一新逸不及闡田之美俱無憂
水旱且水力弱時淘其上下沙更無水分緩急之爭
焉非此三者開堰爲上堰高山平埧皆宜擇地當諸
田之上山漲所必注者掘之石穀田貯深三尺之水
足灌十五石田倍深之其灌亦倍治堰之法必宐中
築其底堅其四墉使無滲漏若隄必厚內外切石實
以土以一閘司其蓄吐中蓄蒲魚上周植柳樹隨山
勢疏小溝令雨水至卽流注如是雖高田值大旱無
無收者又嘉植美蔭牛得以時寢訛飲浴其所菰焚

魚蟹又可時取暫勞而永利者也

穀之蠹苗盛時青蟲食葉令穗不壯火蠹水蠹起於
約之放蠹之起也蠨蠨蠨稻林中不知幾千萬億
以翅扇穀穗卽枯莖亦仆而色赤如是不惟無收稗
亦不中萎牛其田水紅者水蠹也穀蛆生莖節中色
白而微令穗不實或自頸折之蚱蜢爲害齧其汁穗
亦如之數者無術治癆蟲色麻生稻根細若鍼候苗
稿黃卽下有癆以石灰洒之已水冷之田不可耕雖
耕之必癆不治

豆久雨驟晴常打地蒸不實爲火焚是因以晴包穀
得火風燒卽不實而色焦高粱得火燄卽葉赤而莖
槁豆焚之內角麥穗之奴蔗皆以晴雨不時時則均
好也

藏之道有五倉也草棚也竹箬也甕盎也火焙也五
者各有所宜稻旣收以簸以揚以概以量以入倉倉
中必間空竹數筒令洩氣通風穀必乾不乾則霉米
無筋絲若不乾時其晴出曝之有二分濕亦可儲春
則必乾試齧之綻牙量歲用有餘餘者毋耒構四柱
架平承其上底以笆程積而總比外莖而內穗下小
而上大必圓必尖上以草蓋通風洩濕可藏四五十

年耨之粟稈皆如新若粟有餘藏貯於中央可免鼠耗亦不防盜架必半丈地必明燥藏包穀以橫竿卽穀爲柴排挂之鱗鱗次次努目視地令風日溲其濕氣麥之藏也木匱蠹篋箆潮曝之必燥巨益大甕盛之置高終年無時曝之勞小穀之藏若麥中外道滑更免鼠竊竹箆高者過人卑者半身其疏也通風其置地也濕冲必承之或木或石藏較也攪葦藏豆也攪穀高粱生者必蠹乾者易腐火焙之使回潮熟之待冷而後貯貯之若箆若益皆可無慮謹此五藏悔道乃亡不謹五藏婦訕其良又凡山糧春必蠹生及

其禾生出而曝之可絕其萌

農具

牛生而有齒至四歲破齒四乃始可犁六歲裝小項七歲裝大項是其壯時牛之性各異黃牛畏寒水牛畏熱牯牛喜觸鬥母牛喜眠息飼之當謹其時審其方冬欲熱時萎以穀豆糝糠夏秋之間飲以汗水沃草以鹽湯以取其涼春初草生毋畏手僵與一束新草其壯也勝齧乾芻一捆強毋令飲溺飲之則嗟久之則厄九月之水三月之黃是時聞聲而耳張四奔也若狂若值兩鬥必有一傷腳之不解當用火攻日

以語牧時時周防小者蝨大者蚩以時視之毋令受
戕若耳根濕濕其牛無病耳燥鼻乾水草倦嘗是必
病也急召牛醫藥以三角徐徐復常若食螞蟻是田
於胃子孫滿腸牛必骨稜撐毛赤長日以就厓欲得
瀉下飲黃泥漿病牛不可倒倒則百不一生也居牛
必冬溫而夏涼牛糞熱夏常清其寢冬不可常冬寒
凍肉夏寒凍骨牛之死多春僵必溫以煖水補以米
湯牛宮之底用石者涼必二尺坎旁縛席糝牛乃忘
冬牛宮之上牧人是牀旣以防賊夜聞嚼聲亦辨病
良牛至春卽無病亦服藥三四裏預爲之防終年無

殃士之本在冠裳官之本在貶房農之本在牛強故
養牛其要也不可不講

相牛之法壽者必頭旋高疾者必口花而胸雜毛黃
牛吉者頭黃而尾脊之白均身有百旋如生鱗角若
鷹爪而搖鈴或若肩擔平且正水牛吉者頭如古鼎
眼如鏡角如八字此難聘更難角長尺八寸若身高
而尾長四蹄圓以方腰腹如鼓匡四膊四旋皆吉良
不論牝牝及水黃若黃牛頭白而花身頂平而低旋
或白尾黑頭與毛雜如鹿斑水牛若頭尾黃而倒生
口若仰盂角若圓盤或雙旋入其眼或旋又旋於膊

前是皆不吉若腰下旋曰地漏脊上旋曰天穿氣堂
旋曰落氣水吐草吐之旋曰絕祿皆不永年

蒲輓以合抱之木鑿七棱兩端圓軸貫以耜耜無齒
人立耜上牛曳以行使田實

犁轅鏵庇也長三尺三寸大犁底五寸五分犁底之
長亦如之大鏵舌者三寸

捷耜山田齒以鐵水田以木齒長三寸五分兩齒距
五寸前九齒後七齒浪耜亦如之惟齒減二上皆有
闌人推闌逐牛行水耜齒兩畔皆九破塊用捷耜浪
田用浪耜實田底使不漏用水耜

龍骨車首曰龍輓輓上七齒首戴兩耳曰龍腿腿貫
兩手曰拐子人把以用力者也身曰龍皮尾曰水輓
水輓六齒任木曰鷺鷥脚底曰龍底底上曰龍橋所
以行刮水板水板之軸兩筍互逗曰羊蹄通曰龍腸
板宜樟蹄宜栗身宜柏槽通廣五寸身通深一尺龍
路廣三寸八分凡長毋過二丈短毋不及一丈二尺
皆有定度

牛打腳繫於庇首以縛牽索牛致力全在此長無過
七拳過則傷牛

風簸高三尺八寸以風扇爲準扇圍二尺六寸者頭

斗廣八寸五分二斗廣四寸五分天斗長二尺六寸廣一尺深六寸五分天斗貯穀頭斗瀉穀二斗瀉秕輕揚者出於口

伴斗四方如斗修廣無定高必一尺八寸秋收時把稻秉卽斗墻落其實植稈田中可以緩收卽遇雨待晴稈易乾免堆積於室若十日不得耨卽粟與稈皆就霉之患

碓首長三尺三寸尾一尺八寸杵頭長八寸

磴齒路或八或十高三尺二寸廣一尺八寸以上並農譚

吾鄉治秧田刈戎菽等密布田內用秧馬踐入泥窠

爛則播種其力倍於糞且不蠹秧馬制以縱木二爲崑苗四橫長倍廣下旁殺令上平如足榻狀底如四履齒用柔條一或繩貫兩崑爲系高接手踏時足各履一馬手提系適行莖葉上深陷之名踩青甚便且

速鄭珍播州秧馬歌序

傍溪之田皆用水輪盪灌一歲一補三歲一新田無

旱澇之虞此製元明以前無人道者北山集其法先於

溪旁築石成隘上流水至隘勢極奮迅乃設竹車二

圍製如車輪大可二丈縛數節竹筒緣於兩輪其筒

向內一面截口受水每筒相距三尺許兩筒中間編

縛竹板一扇以遏流水所以激輪使旋者全在此蓋水勢迅則衝扇行而輪乃隨之以轉每激一扇後扇繼來旋而上升則筒中滿水已至車頂筒口向下水卽下傾於其傾處刻大竹受之接引入田雖遠可到所謂農者坐而觀之無舉手之勞而田已畢灌矣大江以南水勢平行不可行也其有潮汐之地似亦可仿而爲之計續會真行社程按水輪徑之大小視所灌之高低筒之多少視水力之緩迅一輻一扇輪大者極六十輻高者徑極三丈筒多者極二十四箇太多卽重而難轉許氏謂兩筒中一扇觀之不詳也又二圍實

止一圍如六十輻者於轂兩頭各釘一圍通用一百二十輻離輻末尺餘各交叉之於叉處用細竹叢縛一周爲內廣輻之末各縛一牙爲外廣其扇博視兩外廣之距受水多用木筧距田太遠用竹筧宜亦有用木條爲輻者輻數減四分之一距輻末五尺許仍間以短竹數如竹製始足縛扇若全用木輻必岸低而輪小始宜

農候

正月凡春雷和而反寒必多雨諺曰春寒多雨水立夏後夜雨多便損麥蓋麥花夜吐雨多花損故麥粒

浮糝夏至日雨其年必豐秋後雷多晚稻少收九月九日及十三日晴主一冬無雨諺云重陽無雨一冬晴又云九月十三晴釘鞵挂斷繩十一月冬至古語云明正暗至諺云乾冬濕年坐了種田十二月立春主冬煖諺云雨春夾一冬無被暖烘烘農政全書正月上旬二日得辛禾蠶收三日四日主田蠶全收五日六日麻粟麥蠶全收七日八日得辛絲貴月令廣義黔地窳而土瘠氣沴而候愆不可以中州例也嵐氣上蒸膚寸之雲即能致雨故有漏天之號山高箐深虧蔽日月一日之間乍寒乍暖百里之內此燠彼涼

田功三月始犁四月播種五月插禾九月納稼東作稍遲則苗不茂夏初無雨則收必歉入秋有大風則秀不實謂之青空農民歲入除正供外恒不敷食所賴山坡曠土雜種燕麥苡麥水稗旱稗之屬以佐饗殮故民鮮隔歲之蓄其亦氣候使然歟

石阡思南遵義俱近蜀氣候平和寒燠不爽雨暘恒調水經注謂牂柯夜郎之間山無瘴毒即此等處也並通志

附明綏陽知縣母揚祖利民條約相水開田不易之法有活水之地亦可田也綏邑山地不盡有泉

洞溪河可相土之黃白色可田者就勢成田于田
之上築堰成塘以防時旱或於田之下鑿池注水
以水車肩兜澆之亦可防旱湖湘淮南皆是此法
急行毋怠 縣中平地居民只知種稻山間民只
種秋禾玉米梁稗菽豆大麥等物俱不知種黍稷
與小麥本縣初到任時見少此三穀以爲地之不
產也試以近郭官土種之籽種少而大有所獲其
粒較北方略小其味與性不減北方高過吳楚之
產數倍稷卽土人所謂大小穀宜生地小麥宜熟
地黍宜高地豌豆宜秋後間田菱藕水芋宜沮洳

下地雜穀可以備荒者無不可以相地種之嗣後
鄉村牛馬猪羊不許仍前冬春撒放有妨小春
綏邑遍地有桑而民間飼蠶者少不知絲之爲利
無窮百日卽見效驗嗣後地廣人多者可種二百
株多種更好地狹人少者可種五十株減其數者
查處 山間沙土地可種蠟樹地廣者三百株狹
者百株或五十株違者查處 山高地寒地陰晦
地可以種茶此間茶味甚好佳者不減吳越每叢
五六株空尺許以便加糞茶可耐荒宜時鋤理間
曠地可種油桐單植成林皆可總不宜荒蕪 難

耕之地可以種漆地廣者三十株狹者十株 境內亦有相樹居民不用作油不知相油極好可隨力栽植 不績其麻樂土爲墟有宅居者宜各種麻一區地廣者三畝狹者半畝 高山大野可養牛馬與羊溪澗人家可養豬雞鵝鴨因地牧養自然致富 洿下之地可以鑿池養魚凡可以注水引水之地皆宜大約一畝之地期年得魚百斤等而上之其利可知池上宜種芭蕉宜養腳魚以防魚飛正月十四日以芝麻幹灰布地上可避獺 男人耕種貿易固有常業婦人井臼之外豈可袖

手偷安務要紡績織紉以作家業本縣查城內民有室者九百戶附郭有室者七百戶不論紳士軍民家製紡車一架人多二架一月之內計所出絲紗若干本縣沿門查點三月以來已有效驗爲此通行四里一體遵行 查四里居民農則力耕火種商則馬駝擔挑亦甚勞矣而農無百石之糧商鮮百金之積者何哉以人無常業惟好嬉遊故也鄉間夫婦早春早食晚春晚食力作零碎無有寧日其蠢拙已可笑可憐且耕耨之時以飲酒爲樂收穫之後可以出門生理又專以圍爐捕獵爲事

如此頑情何以興家立業貿易者資本有限利息無多豈容貪飲浪費勸爾等農則盡力治田間時要有生理商則專心貿易勿得朋酒花錢慎毋弁髦吾言各宜凜遵爲是 近郭二十里內居民淳樸安靜遠鄉百姓不時興訟或因口角或因酗酒或因婦女間言或因分錢不明或因尺寸山土捏詞具告利害切身事大非常一經審出可發一笑嗣後砌詞妄告者坐以誣告之罪干証人等責二十罰錢二百文給養濟院綏邑舊民布衣蔬食簡樸自安風氣近古遞年招徠頗眾屢獲豐歲民間飾衣服侈飲酒演戲漁獵者雖亦間有之事然亦不可訓爲此示曉軍民人等務要敦崇節儉以除舊習不得仍前故態有干法紀

遵義蠶

乾隆七年春知府陳玉鑿始以山東榭繭蠶於遵義王鑿山東歷城人乾隆三年來守遵義日夕思所以利民事無大小具舉民歌樂之郡故多榭樹以不中屋材薪炭而外無所於取王鑿循行往來見之曰此青萊間樹也吾得以富吾民矣四年冬遣人歸歷城售山蠶種兼以蠶師來至沅湘間蛹出不克就志益

力六年冬復遣歸售種且以織師來期歲前到蛹得
不出明年布子於郡治側西小邱上春繭大獲嘗聞
言陳公之遣人歸售山蠶種者凡三往返其種也既
於治側西小邱獲春繭分附郭之民為秋種秋陽
烈民不知避成繭十無一二次年烘種鄉人又諳
薪蒸之宜火候之微烈蠶未繭皆病發竟斷種復遣
人之歷城候繭成多致之事親酌之既多其利病蠶
則大熟乃遣蠶師四人分教四鄉收繭既多又於城
東三里許白田頃餘親往視之有不解口講指畫雖
絡導牽織之事公餘親往視之有不解口講指畫雖
風雨不倦今遺址尚存邑之人過遂諭村里教以放
其地莫不思念其德流連不能去

養繅織之法令轉相教告授以種給以工作之資經
緯之具民爭趨若取異寶七年乾隆八年秋會報民間
所獲繭至八百萬數十年蠶師織師之徒能蠶織者各

即以冬間致政歸挽送者出貴州境自是郡善養蠶
不絕莫不泣下也惟蠶師織師仍畱

迄今幾百年矣紡織之聲相聞榭林之陰迷道路鄰
叟村媪相遇惟絮話春絲幾何秋絲幾何子弟養織
之善否而土著裨販走都會十五五駢坐而立眙
遵綢之名竟與吳綾蜀錦爭價於中州遠徼界絕不
鄰之區秦晉之商閩粵之賈又時以繭成來帶蠶租
載以去與桑絲相攬襍為縐越紈縛之屬使遵義視
全黔為獨饒皆王鑿之力也

樹名

蠶之樹郡人名青桐其繭即曰青桐繭前輩以為樹

是櫟櫟之子名椲因字曰椲爾然其樹實櫟也攷櫟一名栲一名柔一名柞一名械一名櫟其實名草一

名樣一名草斗一名象斗一名芋案昔人皆謂莊子呼芋同字非也爾雅栲栳注云子如細栗江東人亦呼栲栗今俗謂之芋栗栲栳皆此類莊子之芋

正此物即今貴筑縣之毛栗亦呼栲栗者族生最難長而其花葉其栲裏實一栲二實又皆以栗與櫟及櫟之一栲一實且不周裏絕異且芋栗並言芋斷是栗類亦猶栲櫟並言栲亦斷是櫟類一名

柞實樣字俗別作椲故又名椲昔人皆以椲為樣之象斗俗人不解象字義妄加木旁後又省斗字單名之椲耳櫟之房亦作斗亦可以染阜知其名櫟猶名

斗之意古但名解後人加木其房名栲據鄭氏詩箋作櫟故椲櫟二字皆無之

云柞之葉新將生故乃落於地李時珍言櫟葉如楮

葉而文理皆斜句則俗名水青栲者櫟也今食蠶作繭者即毛詩櫟椲聲轉為櫟椲後又損一字為櫟椲即殼缺其子欲落時殼缺然因以名之又疑名櫟者以殼缺之義裁一字而別制櫟字古一名

栲一名山栲一名心爾雅云椲櫟心樊光注椲櫟椲

椲也有心能濕江河間以作柱是也唐書后妃傳載

后封嵩山禪少室封壇南有大櫟赦日置金雞其杪

賜號金雞樹故又名金雞樹俗以葉倍櫟大故名大

葉櫟又名櫟椲實名櫟椲子其葉蘼頌圖經名櫟若

皮俗名赤龍皮俱入藥郡人呼青栲者或椲櫟聲近

遂轉椲為栲曾見唐史載開寶四年資州獻梅青栲

農桑

二木合成連理則知青桐為蜀地舊稱其來已久也
榭與櫟大致相類嘗細驗之櫟幹老猶似栗枝榭生
二三年即甲皴櫟皮橫皺而不裂榭皮直皺而痂瘡
櫟葉短厚光滑半以上始出芒短而句榭葉長者五
六寸捫之滯手盡葉一紋一芒長而直櫟之實長而
細榭實大而圓櫟葉冬夏常青新生而故落榭冬零
故盡而新生此其別也其仁歲儉皆可採食但僵澁
甚食必浸至十日以外榭仁倍之二木之葉以食蠶
繭成一也但櫟少種之四倍遲於榭始可蠶以故無
種者間有之其理堅密器尤取材亦不以食蠶也若

榭林中有一種樹族生難長甚類榭惟葉粗大而色
較青俗名扶櫟即郭樸爾雅注云詩所謂枹櫟者也
珍曰榭有二種一種叢生小者
此一種即前所說榭名狀於毛詩為苞櫟

郭注所引出三家詩枹音夫夫扶聲有輕重耳其葉
不中食蠶食之肥者亦瘠

又呼為虎皮青桐山東人謂遵義之青桐為榭櫟而
遵義又以謂葉青大一種貴州一省及湖南晃沅之
間皆謂遵義青桐者櫟木而謂遵義榭櫟者青桐皆
方言之小異也又有一種樹狀亦如榭種之成林亦
如榭惟葉較榭青而稍短狹子亦如櫟而細長皮稍
白亦直皺而痂瘡略少於榭幼無皴裂老乃皺裂唯
大幹然小枝否榭則小枝亦皺裂唯嫩莖否為異耳
稍難長於榭土人亦謂之扶櫟青桐或又謂之榭櫟
青桐與榭櫟種亦有一專種一似山者以食蠶絲最
敵桑絲為山崗中第一不似難長而葉獨粗大之扶

農桑

標瘠蠶也
不可不辨

繭名

山海經載歐絲之野一女子據跪樹歐絲又載民之國不績不經而服知天地既生斯人憫其寒不知自為計有受自然之衣被者矣自伏羲化蠶為繭西陵氏身教之絮帛之暖遍海內於是蠶功盛焉降及少昊以鳥名官而九扈為九農正其一桑扈竊脂為蠶驅雀可見唐虞以前大抵皆山蠶耳爾雅云蠶桑繭繭由樛繭棘繭欒繭虻繭繭此五繭惟食桑者成於蠶室餘四種並山蠶食棘者或即今椒繭之類椒繭食

椒葉所成今山東有之其種同樛繭案李時珍說柘曰其葉食蠶取絲作琴瑟弦清響勝常爾雅所謂棘繭即此蠶也又說奴柘曰似柘而小有刺葉亦如柘葉而小可食蠶棘繭當謂此兩種今有一

種野蠶成繭於蒿艾間蕭繭或即類此唯欒繭不可知今之柸繭正即古之樛繭或曰樛山椿也柸與之不類不得強以樛繭合之曰昔有言之者矣藥溪談記案爾雅繭由樛繭即今萊陽之山繭紬暑窗臆說則云山繭即禹貢之壓絲今之山繭樛繭又別一種乃今之椿繭樛不材木土人嫌其名故借名椿爾雅所云蠶桑繭即今山桑壓絲繭由樛繭今樛絲借名椿繭者也如仲威說今遵之柸繭種即齊之椿繭其

為爾雅樗繭明矣

樗樹登韻樗柔雙聲特平上之分

采紫薪樗唯樗即見樗乃中薪材堅耐火若必指為臭椿則腐臭特甚今亦從未有以為薪者何詩必取之也且莊子言樗必兼樗少或曰以榭為樗古無是

說究不若食榭稱榭名實相副曰草木之名以時地

變其形狀要不可誣也爾雅考山樗郭璞注考似樗

色小白亦類漆樹毛詩草木疏云山樗與下田樗略

無異葉似差狹方俗無名此為考者今所云考者葉

如櫟木皮厚數寸可為車輪或謂之考櫟如陸氏言

是後世所謂山樗者非考所謂考者不名山樗而古

名山樗也其稱考之形狀正即是今之榭郭氏但據

當時所謂山樗以當考不知名是而實非也又孫炎

爾雅注櫟似樗之木今櫟與山椿無一相似知所云

似樗蓋主榭言然則樗自是山椿生山中與生下田

本非兩種於古止名樗後世增稱山樗始與考名相

亂考山樗自是榭省稱樗即與山椿同名讎由樗繭

蓋食山樗葉者非食山椿也樗繭即榭繭亦可呼作繭御覽引廣志曰有野

蠶有柞蠶食柞葉可以作絲即是此種蠶也

蠶事

蠶期春蠶二月始五月畢清明後十日上樹夏秋蠶五

月始八月畢夏至前後上樹白露春蠶自上樹至畢

繭約七十五日秋蠶自上樹至畢繭約七十日

山必謹其陰陽蠶陽物則否盡十日而出畢皆如之後

惡濕喜燥山陽耐曰其蠶美大繭成亦如之陰則否

可移作繭食蠶宜向陽陰處但唯秋蠶宜山之陰者

為可避秋陽之烈凡當西晒之山秋蠶最忌又蠶最

能作繭山有空穴雨欲晴晴欲雨時霧最甚地相

地之法泥為上挾沙次之紅沙火石地為下沙石者

所樹葉細且瘦繭成如之且葉盡時蠶或四下值日

烈地熱更善死也秋蠶尤忌蠶初上山更宜樹梅

種二三年及伐而槩者曰火芽亦曰頭芽育子蠶宜

經蠶者曰二芽再蠶者曰三芽凡伐後次年之葉曰

年曰壯蠶食之老而喬者用作繭凡相樹高毋過一

丈已高則苦剪移與下繭葉以厚大而青者良否則

力薄良者春生時莖葉皆小白帶赤者味辛蠶不

喜食食亦不肥大蠶子蠶之林蠶上樹五六名衣

子地或謂衣中有香如蘭者謂之蠶花香此上祥也

後必大熟眠後有一二紅黑頭者亦兆美收蠶率青

有色深碧頭雙角小於常蠶者林中見一二亦上

祥也凡蠶在此樹葉未盡必不往食他樹惟此蠶朝

東見之暮或西見之但同林雖間一二里亦能往來

而不見其往來之迹土人謂之神蠶稍驚之似有希

聲希蠶酷忌油桐經其樹上其葉者死烘室中然

桐油者及誤以其木烘者後生之蠶死山有桐除之
家有桐謹之又食白楊者死亦食他裸木致病木食他

味辛性苦皆致毒其餘雖不病亦瘠繭惟
嫩楓葉蠶食之無害嫫林時亦不去之

鳥一也將曙及薄晚力防之
長鏡所不能禁獨畏神蟾蜍能吸其卑枝者唯蛇升

枝箭射之則去可半日蟾蜍能吸其卑枝者唯蛇升

木野猪拔樹茲二害特酷善守者亦無預防術也若

山蚱蜢馬蜂枇杷蟲二者食蛾與蠶皆啣破其屬

惟秋蠶受其害雜狗亦食蠶之病二縊與斑者

自吐少絲挂樹上死班者發黑點自墜地死蠶縊原

於寒俗名黃瓜皮初眠後始有各自受病而不傳染

微烈則受寒後必縊一剪移時率滿筐省一二往復

蠶為所罨致吐其沙此種多即不病繭成亦敗繭亦

中縊蠶當上樹後或天氣寒熱不一蠶值之至三

眠後滿腹絲化為滿身毛毛皆躍躍自動謂之飛絲

之無由也然必主厥者運厄始遇之蠶四眠上

樹約七日則眠蛻厥黑而起是為初眠子蠶而褐又約七

日二眠蛻厥褐而起色青黃又約七日三眠又約十

日大眠一名四眠凡蠶眠時必自吐絲其後脚於

而其起也食益力誰勤移為功大眠後盡七葉蠶肥

甚澤澤有光謂之莊臙凡十日臙既滿不復食倚葉

似眠大遺尿漸小如二眠後時謂之退臙臙退盡始

農桑

其絲稠三四葉自裹如囊謂之爬每眠約一日陰雨

一日眠時慎無剪移移則傷其結必食其殼之半凡蠶出卵時旋

食其殼之半不令食則蠶弱薄此半每眠起時旋必

食胞同似蠶馬二物嘗相關也方悟搜神記載太古

時馬皮捲女化蠶事未盡証且食蠶曉不食為露

也晞而食午不食為熱也昃而食食必十日增半葉

其極朝移之午樹冬矣時日五葉夜復二葉守主厥者

蠶匠也其傭曰蠶火所居曰蠶廠分駐曰蠶蓬器備

曰蠶刷曰蠶兜曰蠶剪曰蠶鉸曰蠶刀曰排套曰機

竿曰響寄曰沙撮曰攀霹餘如成家或妻兒具也

蠶春蠶秋繭出也十月擇種收秋繭時粗擇之取大

且厚大兼尖與圓揀種者當各擇均而取之繭出無

雄皆棄色黃而赤指衡之重搖之活而耳之不悉索

者擇種當取無聲者良有以爲種雄者稍尖雌者稍

圓略可別也皆針其後串之毋針其系繭兩端有系

繭之出必齧系間作孔若串其系來年烘種無

由出皆死繭中矣串繭為可挂便出蛾也亦有收

種後不即串散布之竹簾上寒天盛以篋置密室將

烘始串之者有初烘時未串散布竹簾上烘之至蛾

將出前半月始串之者皆可然先串室中先置平架

便收拾且環室與簾挂之亦便烘

席竹簾始編簾用一寸之篋以篋絲緯之使疏而透風

布繭其上風之或疏挂之均無使受草木之烟臘若冬

月值大寒又當置之複室若受來年育蠶必病種

農桑

烘春種必四十五日而蛾成立春始事春分蛾出烘種為蠶事利害關頭蠶

之熟否皆係乎此必諳練者數十日夜更守無稍懈先設一密室毋入風倚四

壁懸平竿高五六尺疏列繭串去地尺餘中置盆火

火以柵他木必令其氣暖之以變蛾蛾以次齧繭糸

出始終烘毋失火火必以漸而增四十餘日夜無絕

毋已烈烈則蛾速出即先樹葉生無以食且必受病

即掛置簾人夜尤宜修眉腹垂垂者雌淫淫者

雄細而長雌腹短雄腹長縱之昏於筐聽自合同昏

者擇其合寢之他筐其觀也期對時如今日子時畢否

則人拆毋使過不及過則雌脹死不及觀已絕夫而閉

其妻夫去以鰥死妻畢產亦自枯若歲生之雄少則

一夫可兩妻也以分兩日配之今日配此雌對時又拆

其不暇者昏時有貪男甥而拍拍有聲者此為狂夫不

去必亂羣台台亦為所解昏之前必去雄之溺否則

難為雌不去則礙精路亦有無溺觀之後必去雌之

溺否則難為產雄去溺以兩指輕搦雌筐置蛾二百

五十皆已配越三日布卵已出之盡出其蛾卵仍無

暫輟復置亦如之一筐之蛾極於五百一蛾之卵極

於一百卵約十五日而盡除不生及生而損壞受

戕者後獲繭三萬者上二萬者中一萬者下若烘不

農桑

盡法烘兼烘繭則一繭不收售種售蛾於烘戶者蠶少

自烘種皆售於烘戶便人亦自便也售卵於市卵已布

待售凡村落皆有之春秋皆售蛾春蛾亦在筐但於春兼售筐蛾價秋

出者一當春之二甚有收者堪種亦少且多勞數十

日之烘故蛾視售蛾待卵於烘室售卵者以歸候蠶

一二日出則肩之山售蛾者於烘室候蠶出者歸候急若置郵也於是時也夜不閉關辨春卵善

者必堅附筐不附者敗不可蠶治種者刷以薄麵糊

或猪血黏筐上俗名搭子原蛾布卵時即有血汗膠

或人麵糊而已詐售之其卵不生亦必病若辨之有

汁痕凡蛾自在之則多積為堆黏搭者皆散著筐上

布卵其上候善筐卵出畢刷其餘不出者去其半

之受愚在此布席觀筐指蓋以席墊筐欲子蠶

性向明使其見明而出以待卵生蠶出卵針大而

黑卽以榭嫩枝置筐弦聽自上亦不無上者午以後

子蠶有散去筐常問者掃以蠶刷振以移之火芽地

架樹牙聽散食俗名開衣子地次第盡卵出而止

如春種串其後懸而涼之約二十日蛾畢出其觀蛾

視春蠶既觀飛入林間觀即盡斷其雄之翅恐其則析

農桑

農桑

梭心或麻縷縛此一翅繫之衣子地火芽間其卵即

布著樹林薹林除荆棘雜草木也去荆棘以便人

循行去雜木使無溷蠶蓋唯草不務盡欲蠶墜不至

地也土人云雜木之中蠶亦不去嘗見事物紺珠載

止絲光明如琴絃海上人取薹不盡地今日移蠶昨

日薹林矣其材即供薪蒸若衣子地則薹也必務盡

淨草亦務盡衣子地皆未頭眠之子蠶力剪剪無

時枝空為度載以筐已少則勞人已多則勞蠶慎毋

罨出而午之使忘移家寧令暫饑毋令去不能食枝

大者若鉞之傷樹且損蠶提之毋驚毋絕其攬也如

虎舍筐如鼠移必依林之次能量蠶權葉無使有餘

不足是上火也凡移蠶但以所剪枝架樹柯如上樹

墜地者拾而上之薹成有未薹者未爬薹而尚食葉者

爬薹若驚之則四移之他樹不移恐食次第候其朝

摘之始成後薹始可摘若濕摘之薹必壞已高梯

之橙之毋葉爬薹時剝薹已剝其葉必順其糸逆則傷薹必

汰其病存則疰薹近山者畢而歸之家病薹病三

大而厚特不封口值口有黑迹而濕是曰油頭口封

而汁汁濕是曰血薹二者蛹皆餒為敗水所漬則善

農桑

亦敗其薄而不堅曰二皮繭之未完者也油頭血繭

未發者所為二皮繭食不三日置架牀布篋薄累繭之斑病

繭其上下烈火炕之宜六亦不可過烈恐

其繭色以乾稀草掩之蛹索索若驟雨候經時無聲

死繭降升生繭畢盛於篋售則肩諸市非强有力者

不勝三萬也蠶遠者山炕之售絲復山繅之

織事

繅登獨竈置繅中盛苧灰水候沸極入繭煮一二

沸即繅去竈右尺置繅車車六幅徑四尺必活二輻

以脫絲軸修五分徑之一牀修三軸之修去其半為

高容車半以閣軸端端活之一端蓄曲柄末繫四尺

之繩活之斜而左下結於絲竿駢之上閣木架一橫

之端出駢二寸於橫之一正中蓄方柱一高四尺上

二尺釘筦絲弓弓末懸環鐵為之柱之顛橫一木長

三寸兩頭各植一長二寸令勢斜橫近端圓繫以銜

天輓輓六觚中鏤一縫以迎送絲上下司繅者執繳

竿繳其繭和其絲引其緒去其繅司火者節火力足

踏絲竿竿運繩繩運柄柄運車車運天輓絲出駢上

貫弓環又上從輓外入輓縫繞出輓外下縈於車去

車底五寸置盆火火以炭毋猛使絲旋乾畢脫之糾

之纜常二人不能踏車則三人

纜車急則絲急緩

則絲緩急絲為水絲織水細緩絲為府絲織府細纜

水絲合三忽府絲倍之緯則再倍之緒之繭曰餵頭

纜者隨盡隨續毋絕餵則絲均繭舞躍湯面能終纜

無增減是上工也

緝纜已以絡張繡車車方跌植

一柱中置輪輪徑如纜車列左右列淨車前左者尺

車製與紡綿車等長其筵貫雙左牽繡絲之緒謹去

其類節右轉淨車收淨絲於雙車一左旋一右旋其

行亦異遲速也雙中積徑三寸為一筒脫之

道盛

淨筒以絡車收之車如繡車軸有柄出於背收訖列

左右列維車雙長淨之半貫於筵轉車收左之緒謹

去類之不盡者雙中積徑寸許為一維脫之易雙若

水絲收絡車訖脫之以米泔漚之宿之

道緯小跌方

四寸厚半寸中植筵揉竹片為提中孔之長尺徑二

分之木為道執中鉗牛角尖長二寸筵貫徑筒緒出

提孔左引之右搦道執中顛倒收其絲節則勻以脣

齒角半沒則出而脫之抽緒頭束之絲之筦也活當

角者穴以貫梭緒先裏而外如纜絲然也水絲經緯

同維緯小經者半

牽橫經架二上排經柱行架如

之貫雙有柄以次牽縮經柱足筦數止訖總之又貫

筴牽之數以茅刷梳之蘸米泔光之而隨以火晞之

自是上機與他織同諸曰府紬其上也其粗勁而

皺者曰雞皮繭次也毛紬又其次也水紬雖先於府

紬品最下而名目獨多其雙經單緯者曰雙絲單經

雙緯曰大雙絲單經緯者曰大單絲小單絲者但疏

而狹亦曰神紬售紬權輕重為價銖兩同價相

若此謂府紬水紬價織戶以此故膠以米粉以綠豆

紬下機則畢築粉以膠膠之以碾碾之以炕輓炕之

令粉與絲化府紬增重多者至十分匹之三府紬

禁不為此惟若水紬則築於染其青色紫色大紅天

青佛青岡青者築蜀繅其黃綠淡綠魚肚白毒白水

紅桃紅洋藍棕色秋湘玫瑰諸色者築綠豆各有法

惟膠者同至增重十分匹之五紬以此病利之所在

終不能止也然貨善速售利與偽相得惜不為紬

府紬勒先入脰戶柔之後大染戶柔以猪脰毛蛾

出者曰毛繭被齧不可縑也但煮之去其蛹用一尺

之竿疊冒繭於上別一竹籤長竿之半底鎮鉛環左

執冒右績之掌摩籤令旋而墜冒續續如抽綿筒其

旋益下絲因急右疾提收之去絲節惟恃唇齒往來

在手不廢遊談而功自就又有用腳車者脚車方二尺之架為

跌左植方柱高二尺五寸上八寸穿之貫長六寸徑
 一寸之軸不出於外兩輪各六寸徑一寸六寸軸方
 一寸中穿徑一寸六分寸之三十六寸以竹為牙互以索徑
 橫聯之徑六十分寸之三十六寸以竹為牙互以索徑
 一尺六寸踏之上軸一尺二寸貫一方橋長六寸廣
 二寸厚一寸不出於外未植鐵銜銜高二寸上兩岐
 高一寸六十分寸之十八相去六十分寸之二寸四
 下以長三寸廣半寸之鍊為跌橫鏗之傍柱植一釘
 上為環令與銜平當環外穿柱深一寸當輪中橫鏗
 一木於方橋徑六十分寸之十二出各三寸右跌植
 柱三高三寸上加方梁梁如跌之長令中一寸未圓
 六十分寸之三十六為踏板長五寸廣三寸未圓
 之當一柱鑿深六十分寸之徑多踏板三之一以銜柱之出
 者以未於方橋上設筵中方而漸銳至端紛絲使收絲
 板之末於方橋上設筵中方而漸銳至端紛絲使收絲
 貫一木於筵中使筵後去未二寸貫竹筵使收絲
 然後置一頭入銜令筵在外置一頭入環出柱間輪
 之中環一繩上繞出筵乃坐而以右手執絲竿右抽
 之以兩足踏板使板運輪運繩運筵二日得可
 以急絲板可出可入也人之坐高軸五寸

當尺竿之三日惟其絲差緩此絲善且急者所織為
 雞皮繭其鬆惡者織毛紬麤而多類然苦衣且易有
 勞者服之湯忽內本而外末縑餘衣及敗繭不引
 緒並不可手絡也名湯繭業被絮者賤售之和而築
 之先洗淨乾之翻去其蛹湯網以為絮欲踏裂近亦三十
 年

蠶具

蠶筐編以荆條或蠟條荆條為上蠟條次之罕有用
 蓋高七寸許密而實疏使透風可緩卵之育其條蠶附卵
 斯固氣乃易生若以舊筐布卵則一子不出蠶剪

茅穗將其花數十莖爲束束其稈長六七寸已大則傷蠶已長則礙用刷用掃出筲筴爲筲廣三尺濶

二尺下殺高四尺貫擔者中其疏可出半繭堅而實柔滿中則合其口若肩蛾卽緣附其外其翼相接不

識者以爲乾槲葉也蠶剪似縫剪短而厚以裁枝

遷蠶響五尺之竹下多裂之無傷上二尺執而振

之互相擊而鳴也以驚鳥機鳥至先栖高木左右

顧始下食蠶守者相厥常置機竿當厥栖竿長四尺

橫縛一端於樹末繫繩繩前尺五寸結一楔子長三

寸又前結活套末繫於樹上竿尺長竿尺別伐一搭

鈎長竿三之一上竿尺二寸如縛竿下迤則鈎末與

縛處平也上橫一木竿爲機長如搭鈎不繫一端倚

樹一端屈竿令楔子倚之鈎末上活套環機鳥以機

爲枝也踏之機墜楔子發竿疾回引套鳥足結無脫

者排用馬尾每三四莖爲活套餘者雜以麻續排

之爲綱綱寸套一套交如連環長其首末繫當杖枒

間尾細而光滑鳥集枝不見也視其首入套中遽驚

之首或進退皆結也撮竹四五尺析其末五六寸

篾絲編之略如箕而小斂本侈口子蠶時撮沙土撒

以驚鳥響竹長平人頭摩節令滑上五分之三貫

三寸管糾椽繩如指大一頭環之屈中以細繩經緯
為筥一頭繫管下一頭貫竿末至管筥與竿下齊盛
石向空擲之石去繩亦從竿末出也去遠者可半里
聲鳴空中如驟雹以驚鳥值之則斃有以竹者以
右中指屈之以右大指食指搦其末擊之擊時必
弛其搦石始脫去去之遠稍遜於竹擊十之三
剝刷以茅之老根為之取其勁滑且芒粦不刺腰束
之下徑四寸中蓄竹柄牽經用之

種榭

榭實九月拾之掘坑埋其內令芽二月出而種之九
月間榭實老自落拾其堅好者掘溽潤處為坑聚而
土覆之至來年二月皆生芽乃分種之若不窖之潤

處則乾且蠹乾則難生蠹則不生也不即種而必行
埋俟來年二月者方冬土燥仍恐其乾而不生也
必相距三尺毋已密太密則得地薄枝條不茂且曠
土可其生也明年耘之三年稍殺之四年五年可蠶
也或生二年盡伐之俟蘖又殺之則速成樹凡下種
能和以猪血者易生且他日葉美宜蠶榭子入土多
分種時以猪血塗子可無榭生一二年行間可種菽
此患易生美葉猶其餘事
麥三年則止凡今年樹則葉不茂蠶亦齊新種之樹
四五年始蠶間年歇而蠶之則三飼蠶之林其樹必
近十年則已高移下難即伐之畱其根次年之葉可
飼子蠶二三四年皆可食壯蠶亦問年一飼已高仍
伐之一種可十餘伐也種榭一事可謂一年一飼已高仍
年之利
上並樗蒲譜

正安蠶

正安向無織維之業乾隆十三年吏目徐階平自浙江購蠶種來州教民飼法當春夏之交以紙糊周密深房徧懸繭種於窗櫺之上因州地寒中設柴燎日加微炙歷數日而蠶種皆出然後配以雌雄卧以筐箔五食三眠纍纍成繭繭質較大於江浙惟經烟薰故其色黃初州地少桑階平教飼拓葉後家皆桑始盡以桑飼其繭色美質精不下中州之產而價昂於山絲纒絲昔皆以手泝泝故質粗而織毛今則徧張機杼漸成花樣售絲售紬遠通商賈矣州志

蠶事

蠶種生於厚綿紙或白布亦先於頭年十二月十二種蠶生日時將種紙用戩秤准計種紙一兩如本是石灰種用熱石灰三錢化成糞石灰汁一茶鍾許候冷燒溫水半瓦盆不可太熱恐傷其子取蠶種紙平鋪水面將石灰汁連渣勻鋪於種紙上以手握水澆之本是鹽殺種用食鹽二錢和水研碎一酒鍾許亦燒溫水半瓦盆取種紙平鋪水面將鹽水勻鋪紙上以手握水澆之俱須候半個時辰撩起貯於篩內安放屋簷上露三晝夜然後收掛高燥之處穰清明前一日將蠶

農桑

種紙取下展開用晒乾潔淨粗紙平鋪一二層於上

摺好外用絲綿絮或綿花絮包裹使煖亦可包裹安

於煖燥之處種清明後十來日桑葉如有銅錢大

小擇開收成滿等吉日將所包種紙日間拴在身上

夜間安放在近身之處但得人身溫暖之氣則種子易

於轉也轉連窩兩三日開看先有幾處放綠此子

轉也轉則種子止是一股清水顏色本此於隨即包好再窩

如種紙上處處碧綠則轉勻矣不必復窩只用綿絮

包好仍放於煖燥之處報種子既轉必有報頭燈

出者為一見報頭即去前裏種時所鋪之粗紙用燈

草數十莖每莖長二三寸勻鋪於種紙上摺好仍將

綿絮包裹不可使冷亦不宜再窩用燈草襯者一以使

後不致擦傷第三日方可收蠶每年收蠶都在穀雨之

後生名摘取野薔薇花葉子或隔年枯亦可放在鍋內炒燥

揉為細末勻糝於種紙上此時種紙要平鋪篩在

殼內得此香氣一個時辰盡出矣隨將鵝毛雞毛鷹

輕輕刷於大磁盆或金漆大盤內不損鵝兒即以鵝

毛刷在紙糊篩中用削尖竹筋細夾勻種一圓心

勿令擠緊恐太擠葉便放一回身此時將鵝兒蠶

農桑

秤其輕重便可定後來吃葉之數每蝸兒蠶一錢自

只須吃葉一百六十斤即餵疊葉十數張去蒂切

成細條子如細麵用削尖竹筋挑氣性勻勻餵之

蝸兒細如毛髮必用細葉蠶蠶吃一餐葉有一層

替子葉直子連蠶收蠶第三日必要體刮一番抽出

曰體刮將替子抽以後一日一體刮不可間斷自頭

眠以至大眠俱要日日體刮若一日不體刮替子必

厚厚則必蒸蠶即受病長大時必然發出或身上黃

頸上多生黑斑黑點者一般吃葉不遍身俱生到老必不做繭

故體刮最要緊也頭自初收之日起餵至七八日

定要頭眠將眠之先一定旺葉三四餐餵上雲旺葉

之後必然沸絲吐絲於葉面沸絲之後就要打裝頭

仰面朝上身子不連忙體刮一番薄薄再鋪一餐葉

條子於上此時底下必先一餐薄葉之後不可餵葉

不可將蠶篩驚動動則其嘴一縮要更要遮風尤忌

西北風西北風一吹至輕移放帷帳之內待其吐嘴

嘴已吐全嘴吐全則為眠娘從沸絲時算起一晝夜

方能眠成眠也如過一晝夜尚有不眠者用竹筋逐

一檢出丟棄眠娘和替子細細分鬆安放於乾燥紙

糊篩內名曰須將斑糠穠糝一層在上娘蛻壳起來

農桑

農桑

農桑

身上潮濕多用磁煉以收潮濕之氣此時蠶身如衣線粗半分長矣

起頭眠派替一晝夜漸漸要起起娘身上嘴是名起娘必

待個個起齊再看替子上有絲布滿名楊則起娘嘴

老可以餵葉此時切葉條大概一眠一起必須兩晝

夜之外方可餵葉第二日體刮時看來蠶身擠緊必

要分出些來每日體刮每日俱要分出蠶吃一餐葉

不分出節太太緊太密有多吃葉者眠二眠之內

最是緊要關頭頭眠起娘放葉過四晝夜又要二眠

若天氣煖熱亦有三晝夜眠者須要刻刻小心看餵

此三四日內設有些小受病到老必無收成第一不

可失葉蠶在二眠內擡至於夜間必要一人輪流看

餵切不可大膽安睡過此二眠一關就到將眠時其

旺葉沸絲打眠衰與頭眠時同其一切保護眠娘之

法亦與頭眠時同此時蠶身如粗棉紗線大一分長

矣二眠起娘起娘亦以一晝夜為率亦必待起齊嘴老

然後餵葉只須切葉三餐後可用單張葉平平鋪上

餵之再過一晝夜可用眼頭葉餵之葉連嫩枝者為

光面其體刮分蠶之法與頭眠起娘時同二眠

餵葉後不過三晝夜又要三眠其旺葉沸絲打眠衰

亦與二眠時同其一切保護眠娘之法亦與二眠時

同此時蠶身有麻線粗二分長矣如過一晝夜尚有

未眠者只須用手指檢出不必再用竹筋其眠成者輕輕捉

於筐內將替子盡行理出不可破傷其身恐脫殼亦

不可擦傷其嘴恐嘴脫壳不能吃葉捉完之後秤其斤兩便

可定後來收繭分數約每斤出大蠶收十斤繭

八分若更有少者則收成薄矣起娘起娘亦以一晝夜為率亦必

待起齊嘴老然後餵葉其體刮分蠶之法亦與二眠

起娘時同大眠三眠放葉後不過三晝夜又要大眠

其旺葉沸絲打眠裝與三眠時同其捉眠娘之法亦

要與三眠時同此時蠶身有錢繩粗四五分長矣

大眠起娘亦以一晝夜為率惟放葉與前三眠時不

同隨手翻轉約一手掌起娘內尙有三四個眠娘就

要餵葉大眠起娘帶嫩餵葉臨老上袖時不至慌忙

老人手少者一定捉蠶不及也此時餵葉不拘正面反面濕葉霧葉

氣水黃沙等葉皆可不忌餵過七餐或九餐蠶身必

有一寸餘長蠶筐內捱擠不去其法莫便於下地先

將蓬鬆軟草蓆子鋪底即將蠶勻送於上餵葉約高

一二寸為一餐地下須畱走路以便餵葉如養蠶少

者二三斤出即蓆上亦可筐內亦可但必每日體刮自收蠶

起以至上杧日間餵葉六七餐夜間三四餐足矣夜間

寒涼蠶吃葉稍遲也老蠶大眠起娘餵葉後至四晝夜蠶身如

小指粗二寸長至五晝夜要老矣顏色本來青白將

老時如糙米色一般取蠶向亮處照之通身穿喉亮

頭者為老娘謂之老娘既見老娘一面將薄葉餵三

餐一面就要豫備棚架搭用結實杆子紮成臺式

離地三尺許處處要用粗麻繩牢牢取葦箔平鋪一

面將草把子豫備以便將蠶送上上諺云蠶老一

時必須一二時辰內上完為妙恐蠶在地下替子內

上俗名棚架為之法先將草把子擰開兩頭俱如隨直

豎於葦箔上然後將蠶勻撒於草把子內從裏至外

一行一行挨次而上上完之後柵棚之下前後左右

俱要密密遮好以關煖氣柵棚上面又要透風柵涼

初上柵時棚架下勻排火盆幾個晝夜加炭小心火

燭兩晝夜後繭已做完聽之無聲響陣雨聽之無聲

則蠶已做完矣即將火盆及遮圍之物悉行除去摘取桃枝

十根插在棚架之上晾過一日繭子內蠶化為蛹第

四日可回柵矣插桃枝者取其闢邪之義回上柵三晝夜足蠶

皆化蛹然後採繭此時將繭秤準即知收成分數秤

後薄薄勻攤筐內俗以採繭回柵後就要剝繭

將繭子外一層蠶透子剝去蠶語云蠶忙不如繭忙

透子煮熟打成綿線可織綿紬

毛繭最易發蒸一蒸不好做絲須一二日剝完薄攤

繭有細繭縑絲最好有大繭一名或兩蠶合做一

繭或三蠶合做一繭其繭亦可縑絲但絲粗價賤不

如煮熟做綿又有蠶屎繭蠶要做繭時先澱一泡尿

一定做柴凹繭者定有一把子柴蔭子俱不可做絲止

可做綿剝繭時逐一分晰另貯其細繭剝光每十二

斤做絲一車一斤光繭做絲二兩謂之到花做絲一

兩二錢湯要燒至將滾取繭二十個在

右下湯用竹拐子打緒隨手撩起來摘去糙頭名曰

線可打綿分作兩股穿過做絲針內再兜送絲鈎上然

後將絲搭到車上搖之緒頭上五六個繭起至八九

個繭止多則扯落少則續上是為縑絲若繭多絲粗

則為紬絲做縑絲已畢將同功繭並蠶屎柴凹等

繭瀝灰水用稻草煮熟同功繭別煮一鍋蠶屎柴凹

並蛾口繭繭出蛾子不可另煮一鍋用手剝開翻轉

套在左手掌上將蠶蛹摘出壅地做成手透子每大

個成一透子小繭退下再剝再套剝完將手透再

上綿環便成綿兜矣亦用灰水盛於大瓦盆內將手

尺餘長帶水兜在綿環竹片上用力擘先於

二眠時分出另餒每一晝夜比大眾蠶必須多餒一

二餐葉未吃完更加小心愛護採繭後即將蠶透子

剝去薄薄攤於篩內自採繭之日算起十二晝夜蛾

頭必轉矣為蠶化蠶蛾未出時都是蠶蛹五更

時分脫去蠶蛹壳向繭頭上吹氣鑽出便為蛾子初

朝名曰放標如一百個繭不過先出第二日名為旺

朝第三日必然出齊每日清晨公蛾即尋母蛾成對

連對提於紙上須用細連厚紙先於做絲湯內泡過

撒尿後便做勢洒種洒到黃昏時方止第二三朝洒

種時須將母蛾排放均勻勿使種子堆積即用細竹

竿子掛在房內以待臘月醃種次年收蠶泡過亦可

酒種 蠶桑寶要 以上

蛾之生也約半月交五月節取其同時者擇而對焉

自辰而亥乃拆厥氣乃全其放子也必覆而暗之見

光則其子遊散蛾之放子也一夜而止否則生蟻也

不齊其為連必桑皮紙或以布母蛾之覆四五日厥

氣乃固沃以絲之湯則子不落貫以桑皮忌麻苧之

線懸於涼處忌煙熏日灸端午以蒲艾和井水浸少

時焉去其尿也大約畱種繭十觔可得三眠之蠶四

十觔擇繭之尖細堅厚者腰小者至臘月十二日浸

農桑

之於鹽溷則利於繰絲或於是日用桑柴灰或草灰
或石灰覆於連上而露於天以冒雨雪而後收之則
耐養並至二十四日而出用河水滌去其灰二月十
二日又浴焉以菜花韭花桃花白豆花揉其中而浴
之畱種之法於是全矣蠶

育蠶須預擇靜室於穀雨前後取蠶連包而護之以

衣衾覆之置腹背以暖之候蟻全生和蟻秤速計分

雨多少是爲生蟻案月令廣義蟻一名蟻生足以蠶

薇葉焙燥碎糝之蟻上聞香而集於上乃以鷲毛拂

之卻稱空速便知蠶分雨多少是爲攤烏其既食也

乃熾炭於筐下并其四周判桑葉如縷者而謹飼之

又上下抽翻晝夜巡視火不可烈葉不可缺如火烈

葉缺則蠶饑而傷火致病之原也又不可太緩緩者

有漫漶不齊之患勿食水葉食則放白水而死雨中

所采必拭而乾之或風戾之編蘆曰蠶薦用以圍火

恐其氣之散束秸曰葉墩用以承刀惡其聲之著也

是爲看火食三四日而眠眠則摘眠一二日而起起

則餒是爲初眠自初眠而之二之三其法盡同而用

力益勞爲務益廣是爲出火蓋自此蠶離于火而葉

不資于刀矣又四五日爲大起大起則薶薶則分箔

雜早則足傷而絲不光瑩雜遲則氣蒸而蠶多温疾
又六七日爲熟巧爲登簇巧以葉蓋曰貼巧驗其猶
食者也簇以葦覆曰冒山屬其作綴之未成者也其
在簇而有雷則以退紙覆之以護其畏風雨而寒則
微貯火其下曰炙山晴暖則否三日闢戶曰亮山五
日去藉曰除托七日而采親爲落山矣湧幢小品
養蠶之法以清涼乾燥爲主以潮濕鬱蒸爲忌以西
北風爲貴以南風爲忌蠶房固宜邃密尤宜疏爽晴
天北風切宜開闔牕牖以通風日以舒鬱氣下用地
板者最佳否則用蘆蓆墊鋪使溼不上行四壁用草

簣圍襯收潮濕大寒則重幃障之別用火缸取火氣
以解寒冷此易易耳惟暴熱則外逼內蒸暑熱無所
歸則蠶身受之或體換不時喂飼略後外堆亂積遠
擲高拋致病之源皆在乎此古云風以散之則蠶室
固要避風尤不可不通風也俗忌生人者或帶酒男
子或經行婦人濁氣衝之立能致變豈神爲崇乎若
能調其寒熱時其飼哺一一如法自足豐收農家以
耕織爲業自巳育蠶雖亂絲薄繭均足入經緯而獲
價值所宜多養若細細計之蠶一筐火前喫葉一箇
火後喫葉一箇大眠後喫葉六箇此外蠶炭一錢盤

費一錢每筐收絲一筋纔足抵本所贏者止同功繭黃提起不穀二錢之數若收成十分以下便不足償葉本矣况小民親身經歷不算工力盤費則可若假手下人採桑者鼠竊狗偷喂蠶者盃盤狼籍多費工力墮落農務此又當照自己力量不可一例論也沈氏

農書

占葉之貴賤以正月之上旬木在一日則為蠶食一葉為甚貴木在九日則為蠶食九葉為甚賤按道腴堂初編清明時桑葉如雀口其年蠶絲必盛又以三月三日有雨則貴四月尤貴諺云三日猶可四日殺

我陰而不雨則蠶大善鳥青文獻

蠶神俗呼曰蠶姑其占為一姑把蠶則葉賤二姑把蠶則葉貴三姑把蠶則倏賤倏貴吳興掌故所稱馬頭孃今佛寺中亦有塑像婦飾而乘馬稱馬鳴王菩薩鄉人多祀之湖州胡志

蠶忌

忌寒如天氣寒涼蠶房內種一火盆常使溫煖村歌云蠶要溫和麥要寒也大眠以前若受冷做成寒病到老必為殭蠶不做繭故忌之忌食天將陰雨要採乾葉豫備使連日陰雨亦必將濕葉晾乾方可餵

蠶或以潔淨衣衫細若大眠以前吃過濕葉老來必

成氣水蠶不做繭矣故忌之忌食如遇天霧須將

門窗關閉帶霧之葉先將清水洗過用潔淨細布抹

乾方可餵蠶大眠以前若吃霧葉老來必成白肚蠶

吐下好蠶身上白水流亦死不做繭矣故忌之忌食氣

桑葉最易發熱一熱即生氣水蝸兒蠶初收一二三

日只在樹上摘幾眼葉好餵幾餐漸漸長大亦餵葉

無多如有豫備一兩餐葉及過夜葉須剪幾根桑條

或幾十根桑條養於水罈之內又要不使風吹則葉

鮮活而不熱永無氣水之患若大眠以前一食氣水

葉亦成白肚蠶矣故忌之忌食黃沙如遇黃沙天氣

將葉翦下用清水洗過晾乾亦可餵蠶若竟以黃沙

葉餵之蠶必不長且要脹死故忌之忌食桑地上

如初澆糞謂人糞其葉必肥不可餵蠶大眠以前若吃

肥葉必有肥青蠶身分外粗肥皮膚光不肯眠矣故

忌之若澆糞過七日失時蠶吃一餐葉片刻就要

再吃或餵之入逾時刻蠶即受饑大眠以前做成饑

病老來必成亮頭蠶謂頭內空頭不做繭矣故忌之

忌穢蠶房內不可安放便桶溺壺一切臭惡不淨之

物蠶月禁食韭蒜人食韭蒜口內臭蓋蠶為天蟲其性

好潔若使穢臭之氣一觸青白好蠶頃刻變成黃色
不吃葉矣後一死日故忌之忌香一切辛香之物不

可在蠶房內焚燒如有香氣觸之亦不吃葉故忌之

忌燈夜間餒蠶燈火必須明亮然亦最要小心無

論蠟油菜油麻油一點沾著蠶身及葉上沾油蠶吃

一口俱要立時攪死故蠶房內點燈第一要謹慎也

忌面人家養蠶比如小兒出痘一般故養蠶之家

門前必有禁人記號或寫蠶月知禮或寫如遇生人

進門或在門外叫喊蠶就霎時變壞或沿篩走南方

穀雨之後停徵停訟公差不許下鄉重蠶也蠶桑

蠶不可受汗錢氣煤氣不可焚香亦不可佩香否則

焦黃而死不可入生人否則遊走而不安箔蠶室不

可食薑薑蠶豆上簇無火燥必不淨蠶婦之手不可

擷苦蕒否則令蠶青爛蠶經

蠶初生屋內忌掃塵忌煎燂魚肉忌煙火紙忌側近

舂擣忌敲擊門窗槌箔及有聲之物忌哭泣叫喚未

滿月產婦不宜作蠶母忌帶酒人切桑飼蠶忌煙熏

不得放刀竈箔上忌產婦孝子人家忌燒皮毛亂髮

忌酒醋五辛羶辛麝香等物務本新書

蠶之性喜溫和惡寒熱太寒則悶而加火太熱則疏

而受風蠶房宜卑卑則溫蠶簇宜高高則爽又其收種時須在清明後穀雨前大起須在立夏前過此不宜也桑葉宜乾而忌溫少則布搥之多則箔晞之能節其寒暖時其饑飽調其氣息常使先不踰時後不失期而舉無不宜一時任事諸女僕又相與起率勵咸精其能故收常倍湯幢小品

蠶月陰雨見育蠶者乏乾鮮之葉男子勞於外婦女憂於內蓋晝夜皇皇也因思育蠶之家宜預作木架如松棚式廣一丈四尺深亦如之其高過於桑上織竹作蓋於蠶初收時即張之茂桑之上若樹桑室中

然或一日而移或兩日三日而移量飼蠶之多寡而

斟酌焉朝暮可避露晴可避日陰可避雨葉時時乾

鮮既省人工又不生蠶病至大眠後可輟大眠後葉老越宿經

日猶鮮且以事易集而功用多一架可備數年之用

予里蠶桑之利厚於稼穡公私賴焉蠶不稔則公私

俱困為苦百倍然大約蠶之疾半在人半在天人之

失恒於惰惰則失飼而蠶饑饑則首亮惰則失替而

蠶熱熱則體焦皆不稔之徵也天之患恒於風雨霧

露即烈日亦有不宣以乾鮮之葉難得也蠶食熱葉

則繭浮鬆不可絲其害淺食溼葉則潰死食濕熱葉

則僵死食霧露葉則痿死葉染風沙則不食葉宿則不食而仍饑其害深知戒人之失而不知備天之患未為全策也

張氏補
農書

蠶具

彈把每年正二月間將大米稻草或小米子草剝去外面一層穀葉子用刀截去頭尾約長一尺四五寸每手握一小把子將軟草一二根中間束縛之待蠶上杪時取草把子用力一擀則上下兩頭自然撒開遂可接連直豎於葦箔之上上蠶一個草把子可上老蠶一大捧按一筋出火蠶約需草把子四五十個

足矣

櫻斑

每年清明日將大米皮子煨焦存性薄

薄攤於地下候冷收好備用蠶自蝸兒以至大眠每體刮一番要糝一層斑糠於篩筐內每眠起一番要糝糝一層斑糠於蠶身上以其最能收潮故養蠶者所必需也多寡不拘總以多備為主

切葉以鋼鐵

為之刀口要薄總以鋒快為主

快則用以切葉葉著刀處不硬蠶好上口

吃亦以鋼鐵為之形如銀翦而長

葉以竹劈

細篾為之形如斗大而高所以盛小葉

蠶在大眠之前總謂之小葉至蠶漸大則需葉漸多又必用大筐子盛葉或以竹編成或以細柳條編成皆可為筐備用

篩以竹

劈細篾編成即米篩也裏面須用竹紙糊好紙者取

其發燥也蠶小時用以貯蠶體刮俱極輕便如養十劬出

火蠶須備蠶篩四五隻籠南方用竹片子密密編

成不必糊紙邊高一二寸圍圓有兩人合抱寬蠶至出火

大眠時用之每隻可貯大眠蠶五六劬一劬出火到

北方有柳條晒篋貯蠶若大眠後下地便可不用

矣蠶箔以細葦為之將外面一層葦葉子削去用細

麻繩密密編成以便蠶上杧時取用架蠶以粗木二

根作柱以細木十根作長關再用粗木做一柱上用

短關十根其長關中間及短關頭上做雌雄筍鉤連

於鉤連處鑿孔用竹釘箭之擺立如三角兼能活相

可以搬移摺疊高七尺寬取其架篋不拘尺寸每一

關相去七寸餘絲車連鍋頭車絲竈有圖附後

綿小板一塊長二尺許厚不拘兩頭鑿窟窿兩個用削光

竹片一根要長三尺五寸厚一分環轉如弓背樣裝牢於窟

窿內以為做綿之具養蠶蠶在蝸兒時收拾甚易

耗鼠未必能侵一二眠之後須要防其侵食直至上

杧做成繭子尚來侵損故蠶猫宜養也蠶桑寶要

栽桑

種正月犁地一段挖成淺溝澆以糞水揀紫熟桑椹

分散溝內上覆鬆泥乾則澆以清水至三月內必長
桑秧到三年有指頭粗三四尺長可分種若低小柔
桑近土處或有長條於放葉正茂時攀倒用泥壓上
其新發嫩梗浮露土面自能節節生枝次年嫩梗有
二三尺高春分時將老桑條逐節剪斷其桑秧翦去
上梢連根只長二尺餘屋角牆根河畔田塍及空地
內每離五六尺或一丈餘尺可種一株種法掘坑一
尺先用肥壅和水澆之然後種上取土填平踏緊再
澆清水糞一遍自能成活至川省地土易於發生春
間用桑條插種亦可 接種桑秧種過三年之後桑椹

多而葉薄小是爲草桑必用移接之法葉方大而少
桑椹宜於春分半月之中翦取別株桑條四五寸用
快刀削成藕劈入頭在於本樹離地五六寸及一尺
餘處所將桑皮兩邊帶斜割開如人字樣刀口約半
寸長卽將藕劈朝外向皮開處插入使兩邊皮上滋
水粘連封之以泥外包竹箬用草緊緊細縛清明後
卽活次年長成青條可將本樹上截鋸去二三年便
成高大接桑 修頭蠶採葉時全採其葉不剪其枝
待生二葉又餒 二蠶南方頭蠶畢又養二蠶然至二
蠶採葉時桑條帶葉剪下然亦須畱一尺及二尺許

不翦并擇其粗壯者一二枝全畱其葉如不養二蠶則頭蠶採葉時先將繁枝芟去或於來年正月內修翦一次每枝除翦去外宜畱一尺及二尺許不翦培桑地內如有細草發生必要鋤去每年二八月及冬月要上肥壅牛羊驢馬之糞任土皆宜而培桑尤宜人糞若棉花菜油荳餅之類更肥去桑有蟲蠹便要枯死須於間時尋看見有蟲糞處卽是蛀穴若深入者用鐵鑿鑿取其淺者用鐵絲插入殺之則桑樹茂盛可無凋零之患矣蠶桑寶要

附道光十九年知府黃樂之勸民種桑示照得遵

義橡繭始自東萊陳公百年之間獲利甚溥民實賴之然伊古以來盡以桑蠶作繭蓋取諸室而有餘不類橡繭需時資於山而後成也資於山非男工不可取諸室則婦孺能爲其勞逸不辨而自明矣本府蒞任茲土每思家繭之成速於山繭家絲之價倍於山絲果能行此是子孫世世之業其利豈有窮乎至於種桑之地家園野圃並可分栽院落牆陰皆堪徧植其法或壓枝於地而生或折枝插土而生或以桑椹插土而生今遵城現自有桑本府署內已得兩株城鄉內外諒必不少可知非

地土之不宜人自不爲耳現查府屬惟正安州家蠶頗盛尙種桑有成購種甚便至栽桑節候及飼蠶抽絲一切事宜蠶桑寶要一書論之最悉本府正在刊印以備分給俾得周知有此自然之利當與山繭並行不悖胡不亟奉行之惟是衆心不一始事常難本府擬設獎賞以示激勸其有活桑百株者本城由經廳衙門報驗各屬由該縣報驗如果屬實本府卽賞一兩重銀牌一面花紅一副以次遞增活千株者賞二兩重銀牌五面花紅一副通計活至五萬株則其勢已成無用本府再行獎

勸矣倘有潛拔人桑株偷摘人桑葉者一經查出定行嚴懲以示明罰各宜爭先踴躍務使桑陰茂盛蠶繭豐盈用副本府愛民厚生之意次年再勸種桑示竊照本府前因遵義所屬止知山繭不知家蠶是以出示曉諭力陳桑蠶之利並刊刻蠶桑寶要一書頒發各屬俾知種桑養蠶之法較山繭效速而不勞又懸賞以示激勸乃出示後只有綏陽縣報稱種活數萬株自行獎賞遵義仁懷桐梓三屬並無一人報驗領賞皆視若罔聞抑種之不得其法而不活耶現在 賀中丞有種桑捷法

刊刷分布其大旨每年四五月間採熟老桑椹置水盆中頻頻淘汰去盡肉骨澄出桑子陰乾灰拌先尋地兩塊順地上面刨開長清深約五六分將灰拌桑子下入溝中上面蓋土厚五六分仍與地平數日內得雨卽出不得雨用噴壺以水噴之卽出每塊約可得數萬株太密者拔去隔三四寸畱一株大率一畝可得萬株以後天乾澆灌勿致草食餘無所事至臘月長高二尺許是冬將一塊用快鏟擦地砍去桑枝只畱根本地上鋪稻草一層厚數寸或尺許皆可順風縱火燒之其灰卽蓋於

地上來年萌芽怒生至冬卽長高六七尺且極粗壯其一塊弗畱爲次年移栽其法如此爾等卽自本年四月爲始照此法栽種無有不活俟明年四月徑行報府查驗如果栽活按計株數照前賞數以次遞增由府發給爾等務須認真栽植期於必成莫負本府叮嚀告誡之意踰年三勸種桑示照得本府上年四月因屢勸栽桑只有綏陽詳報其遵桐仁三屬並無報者是以復行示諭並曉以種桑捷法限本年四月前報驗茲屆清明新條漸發爾等果有新種卽可陸續報府候委員查驗如

係屬實卽照前賞數按株發給以示鼓勵除綏陽
自種多株正安久慣養蠶無庸查辦外其遵桐仁
三屬准其一體報驗以所報先後爲次隨報隨驗
隨卽領賞核算至五萬株而止本府所以苦勸栽
桑不惜厚賞者實以繭成速於山繭絲價倍於山
絲且利取諸室婦孺皆能不若橡繭資於山而後
成也茲定三月初一爲始至四月三十爲止限兩
月報驗如逾限不准續報卽報亦不往查驗矣

遵義府志卷十六

遵義府志卷十七

物產

志載方物非譜羣芳凡從同常見無關考索者固可
無庸備數也前志及州縣各志略列通有物名而又
毫不註釋徵土宜者何貴焉若他輿地故書又類必
備名名必煩引亦蕪濫爲病矣遵義昔蜀今黔庶類
馮生大要同蜀爲夥茲就耳目所及前籍可稽分別
彙次有能詳者略以已意綴之非詡士會之富要見
茂對時育品物桐生飭化阜通自安樂利亦使談播土者
不得尙稱爲猿狖所宅云爾

穀類

五穀 揚雄蜀都賦五穀馮戎左思蜀都賦黍稷油
油稷稻漠漠常璩巴志土植五穀又土風詩川崖惟
平其稼多黍野惟阜邱彼稷多有按五屬種稻高田
下濕各因土宜秬稷不下二三十名皆清明前後種
八月收麥供餅餌者爲小麥供飯者爲大麥又有一
種名老麥供製酒亦作飯燕麥俗呼香麥又呼油麥
作餅人珍食之竝八月種四月收惟香麥種收稍遲
稷俗呼高粱十九釀酒貧者亦作餅飯清明前種八
月收黍俗呼黍子間有種者三月種九月收禾俗呼
小米山農多種之以作飯三月種八月收大豆俗呼
黃豆清明後種八月收赤黑豆名鍾子豆種收同竝
以磨豆腐作豉及糞粉蠶豆俗呼胡豆九月種四月
收豌豆白者名白豌豆斑者名麻豌豆種收同竝以和飯
作粉纒綠豆清明後種八月收以煮粥作纒供燕食
米豆有白者斑者有一種小而斑者爲貓豆又名爬
山豆種收同竝以作飯胡麻名脂麻以搗茶點糖餅
榨油一種火麻莖皮可績一種似蘇者曰蘇麻子竝
中搗茶竝三月種八月收菽俗呼蕎麥又名菽子歲
兩種春菽二月種四月收秋菽七月種九月收以作

餅餌或搏粉和米作飯稗三月種八月收更有水稗種水田與稻同其長大似高粱俱分黏稗竝以作餅飯又有草子種收同水地山地俱可種玉蜀黍俗呼包谷色紅白純者黏雜者稔清明前後種七八月收歲視此爲豐歉此豐稻不大熟亦無損價視米賤而耐食食之又省便富人所唾棄農家之性命也其糜作糖視米製更甘脆

蔬類

天星米 金川瑣記天星米米如黍粒可作糧食葉經霜紅如老少年秋溪蒲山紅葉亦一大觀按土人以米炒成花和糖搏作餅切片以食名天星餅

白菜青菜萹蒿苣薤蘿蔔苦蕒葱韭薤蒜葫蘆芫荽芹

木耳人參菜

陳志皆州縣產

白芥 羣芳譜白芥一名蜀芥來自戎中而盛於蜀八九月種至春深莖高二三尺葉如花芥葉青白色爲菇盛美莖易起而中空三月開黃花結角子如梁米黃白色又一種莖大而中實者子亦大白芥子堪入藥味極辛美

蔓菁

嘉話錄三蜀之人呼蔓菁爲諸葛菜

菠菜

詢芻錄南人呼菠菜北人呼赤根菜蘇軾詩

物產

物產

三

北方苦寒今未已雪底菠縷如鐵甲豈知吾蜀富冬蔬霜葉露芽寒更茁

胡葱 羣芳譜生蜀郡山谷狀似大蒜而小形圓皮赤葉似葱根似蒜味似薤不甚臭八月種五月收一名蒜葱又名回回葱莖葉粗硬

山韭 爾雅葍山韭本草山韭一名籤形性與家韭相類但根白葉如燈心苗山中往往有之按土人呼爲野葱以和蔬甚香美貧兒罄易於市亦微利也薤菜 南方草木狀野葛有大毒以薤菜汁滴其苗當時萎死世傳魏武噉野葛至一尺云先食此菜

巢菜 本草一名薇一名野豌豆一名大巢菜集解蜀人謂之巢菜蔓生莖葉氣味皆似豌豆其藿作蔬大羹皆宜詩采薇禮芼豕以薇皆此物詩疏以爲迷蕨鄭氏通志以爲金櫻芽皆誤蘇軾元修菜詩引菜之美者有吾鄉之巢故人巢元修嗜之余亦嗜之因謂之元修菜陸游巢菜詩序蜀蔬有兩巢大巢豌豆之不實者小巢生稻畦中一名翹搖一名野蠶豆明四川志巢菜州縣俱出葉似槐而小其子如小豆夏時種以糞田其苗可食

山藥 羣芳譜原名薯蕷處處有之蜀道尤良

瓜瓠 揚雄蜀都賦瓜瓠饒多按南瓜冬瓜絲瓜苦
瓜黃瓜無家不種西瓜仁懷種之其南瓜早實者名
白瓜瓠俗名金瓜其長者名大黃瓜

甜瓜 蜀都賦瓜疇芋區廣志蜀地温良瓜冬熟有
春日瓜細小小瓣宜藏正月種三月熟有秋泉瓜秋
種十月熟形如羊角色蒼黑

芋 益部方物贊芋種不一鷓芋則貴民儲於田可
用終歲王維詩巴人訟芋田羣芳譜芋在在皆有之
蜀漢爲最東坡雜記蜀中人接花果皆用芋膠合其
罅

茄子 元和郡縣志涿州開元貢茄子

薑 呂氏春秋和之美者蜀郡楊樸之薑蜀都賦甘
蔗辛薑陽薑陰敷

木薑 禮記內則三牲用藪注藪煎菜萁也爾雅謂
之椹疏賀氏云今蜀郡作之九月九日取菜萁折其
枝連其實廣長四五寸一升實可和十升膏名爲藪
也益部方物略記艾子大抵菜萁類也真正綠味辛
蜀人每進羹臠以一二粒投之少選香滿盂盞或曰
作爲膏尤良按揚雄蜀都賦當作藪藪艾同字贊曰
綠實若萁味辛香苾投粒羹臠椒桂之匹本草綱目

李時珍曰食茱萸一名藪即櫟子蜀人呼爲艾子按揚雄蜀都賦稱木艾今郡人通呼木薑其花味尤香美

椒 蜀都賦或蕃丹椒本草綱目李時珍曰蜀椒子光黑如人之瞳人故謂之椒曰羣芳譜椒一名花椒川椒肉厚皮皺粒小子黑外紅裏白入藥以此爲良他椒不及明四川志各州縣俱出椒茂已編結實色青者曰青椒其紅者曰花椒用入藥陳志州縣皆產蔓椒 本草蔓椒一名豕椒一名狗椒野生林箐間枝軟如蔓子葉皆似椒山人亦食按俗呼狗矢椒少

食者

番椒 草花譜番椒叢生白花子儼似秃筆頭味辣色甚紅可觀子種按郡人通呼海椒亦稱辣角園蔬要品每味不離鹽酒漬之可食終歲其形狀有數種長細角似者名牛角海椒細如小筆頭叢結尖仰者名纂椒二種尤辣一種扁圓形色或紅或黃味不甚辣名柿椒中盆玩

甘藷 南方草木狀甘藷蓋薯蕷之類或曰芋之類根葉不如芋皮紫而肉白蒸煑可食異物志甘藷南方民家以二月種十月收之其根似芋亦有巨魁大

者如鵝卵小者如鷄鴨卵剝去紫皮肌肉正白如肪
南人當米穀果食炙皆香美初時甚甜經久得風稍
淡荒年雜詠有一種野生者俗名茅狗薯有製以亂
山藥者饑年人掘取作饔田居蠶室錄俗呼韶薯聲
之轉有紅白二種山農廣種者收多至三四十石卽
煮以當糧亦可碎切和米作飯一種充園蔬者名雲
板薯又名腳板薯草墩薯皆以形名大者徑一二尺
肌白甚蔓間結子拾而窖於火畔俟春種之

蒟蒻 常璩巴志園有芳蒟蜀都賦其圃則有蒟蒻
劉淵林注蒟草也其根名蒟頭大者如斗其肌正白

可以灰汁煮則凝成可以苦酒漬食之蜀人珍焉本
草綱目一名蒟頭一名鬼芋出蜀中呼爲鬼頭馬志
言其苗似半夏楊慎丹鉛錄言蒟醬卽此者皆誤戊
巳編秋冬間采根拭去粗皮切細磨研成漿煮之用
大匕和不令成餅俟熟用石灰或鼓灰水點之待凝
畫成塊味甘滑乾隆丙子丁丑家園所生紅莖高二
三尺色如火皆劍戟形後緬甸用兵滇黔不寧乃知
此兵兆也按其芽俗名鬼鼻以爲種五六月朝露時
以竹竿拍其葉露所滴卽旁生磨煮時忌多語否則
汁凝煮之不化或成水

大頭菜 桐梓志邑產按雲南志稱樹頭菜州縣并產

蕨 爾雅翼蕨紫色而肥野人今歲焚山則來歲蕨菜繁生其舊生葉之處蕨葉老硬敷披人誌之謂之蕨基茂已編蕨有二種一曰甜蕨採食軟滑有味俗謂蕨薑長者尺餘末散如雞爪形細葉鱗次俗謂蕨基根如竹節皮黑白而有筋掘其根洗淨入木槽搗爛之則曰蕨凝以其凝置缸中和水反覆淘杵取汁以椶皮濾去滓別盛之經宿凝淀如膏則曰蕨粉味甘美乾隆庚寅戊子兩丁歉歲流民四集長林曠野掘取一空賴活甚衆一種苦蕨形相同但味苦亦可食又有猫蕨初生時有白膜裹頭莖如蒜薑青綠色不可食荒年雜詠在水邊生者名豈蕨按成蕨粉後搏爲餅蒸食曰蕨巴以粉灑釜中微火起之曰蕨線待乾定煮之如水引亦可煎食

菌 揚雄蜀都賦瑕英菌芝蜀語地芝曰菌音郡菌之大者名鬥雞菰生桑樹上者名樹雞生櫟松林中有黃白赤綠四種可食其面上如石灰者殺人用黃土和水漿食之可治又音捲夏月天雨生山中石骨上土人名地菌皮可食田居蠶室錄夏菌五六月秋

菌八九月雨後生種類至夥俗隨形呼其大腳菰青糖菰制帚松毛黃絲諸種無毒一種爪其蓋卽出白汁名茶菌又名羊奶菌味尤香美又一種名凍菌形半圓肉之軟嫩勝楊妃乳生樹頭上四時有之不能乾蓄至一種紅蓋者多生榭林曰青桐菌又曰一羣羊食者多中毒凡菌有毒者經炊烟薰乾卽無雞縱 廣菌譜雞縱按通雅作雞縱雲南志謂之雞菱雞以形言菱者飛而斂足之貌說本楊慎或作蟻縱以其產處下皆蟻穴貴州志云下有蟻若蜂房狀又名蟻奪瀆黔紀遊雞縱黔中亦產但不如滇之蒙

化者佳有紫白二種白者恆殺人初秋生蔓草中始奮如粒旣如蓋漸則紛披如雞羽故曰雞以其從土中出故曰縱雲南志六七月大雨後生沙土中或松間林下鮮者香味甚美土人鹹而腊之經年可食若熬液爲油以代醬豉其味香美田居蠶室錄生無常地常時色香味俱藎中第一惟僅生一朶者不可遽食有土人得一朶高且大攜市之及返經採處復一朶如前疑而掘其下一巨蛇正張口噓氣急返告市者已登盤將入口矣賴以免其毒

菡醬 常璩蜀志江陽郡有菡又巴志蔓有辛菡前

漢南越傳使唐蒙風曉南越食蒙蒟醬蒙問所從來
曰道西北牂柯江揚雄蜀都賦椒離蒟醬劉淵林蜀
都賦注蒟醬緣樹而生其子如桑椹熟時正青長二
三寸以蜜藏而食之辛香溫調五臟益部方物贊蔓
附木生實若椹纒或曰浮雷南人謂之和以爲醬五
味皆宜

苦筍 黃庭堅和春菜詩公如端爲苦筍歸明日春
衫誠可脫百跋云余生長江南里人喜食苦筍試取
嘗之氣苦不堪於鼻味苦不可於口及來黔黔人
冬苦筍萌於土中才一寸許味如蜜蔗初春則不食

惟棘道人食苦筍四十餘日出土寸餘猶甘苦相半
水竹筍 筍譜水竹筍出黔南管內或巖下潭水中
生隨水深淺以成節若深一丈則筍出水面爲一節
蠻蛋採取以爲食

淡筍方筍平筍 綏陽志縣產

土瓜 鋤經堂集土瓜柔蔓生山野間其根俗呼土
蛋童子常掘食之歲饑可助糧

果類

杏棗花紅石榴白果胡桃柿蔗桃李櫻桃葡萄 陳
志皆州縣果產揚雄蜀都賦黃甘諸柘柿桃杏李枇

把杜楸栗榛棠梨離支雜以槭橙被以櫻梅樹以木
蘭扶林禽左思蜀都賦橙柿棗棣朱櫻春熟榭桃函
列梅李羅生葡萄亂漬若榴競裂

楊梅 北戶錄楊梅播州有白色者甜而絕美周必

大次韵楊梅詩越人一枝古所重蜀無他楊譜則同

通志楊梅出綏陽仁懷二縣按各屬並多

枇杷 清異錄枇杷襄漢吳蜀湖南北皆有宋祁枇

杷詩有果產西蜀作花凌早寒樹繁碧玉葉柯疊黃

金丸上都不可寄味咀獨長歎劉淵林蜀都賦注枇

杷冬華黃實本出蜀

林檎 蜀都賦其園則有林檎枇杷尚書故實王內

史書帖中有與蜀郡守書求櫻桃來禽曰結藤子

餘甘子 蓋部方物略記樹大葉細似槐實若李而

小咀之前澁後歆歆有味故號為餘甘核有稜或六

或七解硫黃毒即本草所謂菴摩勒者贊曰黃葩翠

葉圓實而澤咀久還甘或號菴勒

梨 蜀都賦紫梨津潤按桐梓婁化里泥馬廟有樹

圍二丈許土人名水梨子

荔支 常璩蜀志江陽郡有荔支又巴志果實之珍

者樹有荔支蔡襄荔支譜洛陽取於嶺南長安來於

巴蜀又云蜀所出早熟而肉薄味甘酸鄧慶宗荔支譜蜀中荔支瀘敘之品爲上鄭谷荔支樹詩二京曾見畫圖中數本芳菲色不同孤櫂今來巴徼外一枝煙雨思無窮夜郎城近含香瘴杜宇巢低起暝風腸斷渝瀘霜霰薄不教葉似灞陵紅按荔支仁懷桐梓竝產仁懷志言相傳茲土有荔支惟舊縣有二株挺生味酢非其實也

橘 史記貨殖傳蜀漢江陵千樹橘其人與千戶侯等蜀都賦戶有橘柚之園

柑 羣芳譜柑江南及嶺南爲盛川蜀次之蓋部方

物贊碧葉春葩厥包之珍丹衷旣披香液始津

香櫞 通志出仁懷者皮粗而大香於他郡

佛手柑 通志亦出仁懷

蜜羅柑 仁懷志三歲一熟芳馨可遺

無花果 桐梓志邑產按各屬皆有

落花生 正安志州產

羊桃 草木蟲魚疏鄭氏曰藤生子赤狀如鼠糞

故亦名鼠矢兒童食之蜀本圖經子細如棗核苗長

弱蔓生不能爲樹今呼爲細子根似牡丹按羊桃子

可食其藤及根葉性竝黏膩郡人造紙者採而搗之

以和構竹筒紙始成呼爲滑藥

千葉桃 棠陰札記府學署千葉桃十餘株花時坐

錦幄中俯視城廂盡在霞際實不甚大絕甘脆

金橘 華陽國志江陽郡有給橙魏王花木志蜀有

給客橙似橘而非若柚而香亦名盧橘

菱蓮 揚雄蜀都賦草葉蓮藕葉華菱根石湖詩自

注蜀中無菱至蜀州西湖始見之授郡城西天池菱

藕最盛環山二十里爲郡中大觀池畔居民秋後時

採蓮子菱角入市賣之惟水深藕不易得城北十里

菱角堰有異蓮五六年一發葉開花餘時根葉俱未

見

沙棠 呂氏春秋果之美者沙棠之實救荒本草白

棠子樹一名沙棠梨兒一名羊嬾子樹又名剪子果

枝幹似棠梨樹枝而細其色微白葉似棠葉而窄小

色亦頗白又似女兒茶葉卻大而背白結子如豌豆

大味酸甜

拐棗 四川志木密俗名拐棗詩小雅南山有枸陸

璣疏枸樹一名狗骨今官園種之謂之木密古語曰

枳椇來巢言其味甘故飛鳥慕而巢之本從南方來

能令酒味薄若以爲屋柱則一屋之酒皆薄古今注

枳椇子一名樹蜜一名木錫本草枳椇一名木楨椹
木高三四丈葉圓大如桑柘夏月開花枝頭結實如
雞爪形長寸許紐曲開作兩三岐儼若雞之足距嫩
時青色經霜乃黃味甘如蜜每開岐盡處結一二小
子狀如蔓荊子內有扁核赤色如酸棗仁形救荒本
草拐棗葉似楮葉無花義面多紋脉邊有細鋸齒開
淡黃花結實狀似生薑拐义而細短深褐色故名味
甜田居蠶室錄拐棗子鴨食之須臾即死此不可解
者

栗

蜀都賦榘栗罇發文同詩蒼蓬蒺藜大紫殼檳

榔軟蜀都名果中推之爲上選戊巳編郡產栗四種
一毛栗又名板栗樹高大者數丈白皮長葉有稜刺
葉大如巨杯八月熟木理堅緻修屋造器貴之一猴
栗大者樹連抱皮淡紅色葉厚長三寸許葉大於毛
栗亦八月熟木堅實厚重多以爲棺毛栗殼赤肉黃
猴栗殼灰肉白味亦不同一槲栗樹即槲櫨其大連
抱細葉光滑四五月開細白花結細葉攢攢亦有刺
九月熟風動子落響如撒沙子大如大豆黑殼白粒
木性直而緻斧斲之直裂到顛材中棟梁一狗爪栗
小樹不高葉攢結如狗爪形亦有刺粒如豌豆味同

毛栗乾隆庚寅作饑民詩尋山狗栗盡入室雞糧無謂此

紅子 四川志名救軍糧云小木本實殊紅色累累如珊瑚味甘可食昔有軍糧不足以此充食故名仁懷志彌岡被野紅碧可把花幹與天竺花相似古之青精飶聞用天竺子汁以漬米食之或此種未可定茂已編紅子木類山谷道旁多有之高二三尺叢生拳密根最堅深枝間刺如錐二三月開細白花結子圓扁有如大豆者有如細豆者大者味極甘細者稍苦澀子紅如火亦有黃色者八九月熟若至冬經霜

雪其味尤佳嘗有句云黃茅傲雪稜偏利紅子經霜味更甜按今貧家及其熟時爭摘之磨以蒸餅作糧惟久食則難便道光一二年郡大歉民多賴以飽語云嘉慶接道光紅子當正糧

刺梨 滇黔紀遊刺梨野生夏花秋實幹與果多芒刺味甘酸食之消悶煎汁爲膏色同楂梨四封皆產移之他境則不生每冬月苗女子採入市貨人得江浙楚豫客買之苗女喜曰利市謂得佳客交易也本省人爲之買則倍其價江南人或物色之則舉筐以贈曰愛莫離愛莫離者華言與你有宿緣也或有調

戲之則大怒曰落勿渾落勿渾者華言沒廉恥也通志幹如蒺藜花如荼蘼實如小石榴有刺味酸取其汁入蜜熬之黔屬俱有越境卽無戊巳編紅子刺梨二物山原之間婦媪未來午茶不繼則耕牧之糧也途左道旁販夫腸吼行子口乾則中路之糧也黔中當乾隆己丑庚寅大歉饑民滿山寨野以此全活者多田居蠶室錄考之本草綱目金櫻子一名刺梨子一名山石榴一名山頭雞子蘇頌云叢生郊野中大類薔薇有刺四月開小白花夏秋結實亦有刺黃赤色形似小石榴按此則金櫻正是今刺梨金櫻當作

金罌與石榴雞頭皆以形象立名白居易有山石榴詩是詠蜀產滇黔紀遊及貴州通志竝云黔屬始有他境不生余嘗在湖北麗陽驛南五里許一山寺側見有數株與黔產無稍異南遊滇中亦到處有此可見舊說不盡然也古方有金櫻酒今黔人採刺梨蒸之曝乾囊盛浸之酒益名刺梨酒味甚佳是古製也今藥肆金櫻非本草所名反以刺梨爲別一物謬矣

貨類

錦 曹著蜀錦譜茶馬司錦院織錦名色南平軍真紅大被褥真紅雙窠錦阜大被褥青大被褥

絹 元豐九域志南平軍貢絹一十四匹

雨氊 元史世祖紀至元十八年楊漢英進雨氊

苗錦 峒溪織志苗錦大似苧布巾帨尤佳其婦女

衣緣領袖皆綴雜組藻彩雲霞悉非近致謂之花練

土俗珍之

花綾 正安志花綾雜以苧織染色不鮮

鹿皮 陳志州縣貨產

布 元和郡縣志南州開元貢斑布溱州開元貢楮

皮布紵布明統志斑布廢溱州出通志布土人所織

甚粗按郡人惟遵義東鄉多以織布爲業蓋其棉花

由湖南常德府販買舟載至省溪江口起岸令負者

渡桶口由間道至鄭家場火燒舟列肆坐賣織家買

之以易紡線紡家持線與之易一兩花紡成可多得

二錢貴時可三錢故紡織互資成業他鄉紡者僅爲

線供縫紉之用業織則線無所出業紡則棉不能繼

非婦女有巧拙之殊以場市無相資之便也其所織

寬者極三百二十筵狹者極二百五十筵寬者名大

土布狹名土布又名小布醬布扣布近老蒲場亦有

花行左右僅織大布賈人西走蜀之重慶瀘敘南走

威寧平遠極於金川所販皆東北鄉所織也

銅 揚雄蜀都賦橘林銅陵按綏陽瑪瑙山產銅

鐵 通志鐵出府屬

鉛 通志白鉛出小紅關等處陳志鉛郡貨產

丹砂 新唐志溱州貢丹砂明統志丹砂廢溱州出

蜀都賦丹砂絕熾出其坂仁懷志采砂甚難田震曰

追一線之蚓蛇探重淵之幽闕壑高支以造天脂親

齎以覓地悵曉夕之莫知置死生於非意

雄黃 明統志雄黃廢夜郎縣出

朴硝 蜀都賦碧茗芒硝本草色青白者佳出益州

山谷

麻 陳志州縣貨產戊巳編園麻有二種一曰桃麻

一曰火麻桃麻最良種者多亦分二種有坐兜麻叢

生稠結莖大而皮薄其子種生所謂傳子不傳根者

也有竄根麻根次第四散莖小而皮厚其子不生所

謂傳根不傳子者也二者竄根良每年皆兩刈夏則

五月秋則八月刈時取其幹刮去粗皮暴乾取皮績

為縷用稗草灰水煮經宿搗洗之愈洗愈潔火麻則

每年種子幹高皮薄性硬色黃煉不熟洗不潔女工

罕用種者為少又有生山谷者曰山麻形與桃麻同

蠻姑苗婦夏秋採取織帶編裙類用之陳志麻州縣

貨產

棉花

陳志州縣貨產通鑑梁武帝木棉阜帳史炤釋文木棉江南多有之春二三月下種生黃花結實熟其皮四中縱出如綿土人以竹為小弓牽弦以彈綿卷為筒就車紡之自然抽緒如線絲狀按郡不宜棉間有種者始生至結果繁茂與中州同惟果多不裂所得不敷一種非土地不宜以南方多雨故也

漆

陳志郡產仁懷志縣有漆園費廣文大有自費州移此田居蠶室錄自生者名大木漆隨長隨割無已時其汁厚而澤栽者名小木漆割五六年即自枯

其品價稍下山野間地竝可多種家有百株不勞而獲利可埒十畝田一種野漆不可割亦不可薪誤燒之中其煙即四肢腫潰

靛 明統志靛府縣俱有通志同周霖種靛說一畝之田獲穀一石者以靛當之當二倍以償其不悉種者費人工也陳志州縣貨產

紙

通志綿紙出綏陽者為佳陳志紙州縣同出田居蠶室錄遵義之紙以構皮製者曰皮紙以竹製者曰竹紙皆宜書以竹雜草為者曰草紙以供冥鏹粗用皮紙出遵義者以上溪場為上出綏陽者以黃泥

江爲上白膩堅綿更勝上溪極佳者販入蜀中次者
賣之本郡亦名小底溝紙亦名大槽紙皆以製處名
竹紙惟綏陽專製其上者曰厚水紙料專用水竹粉
白細膩極佳者勝上牛皮紙草紙隨地可製然亦分佳
惡以綏陽茅丫製者爲上曰茅丫紙造紙者用一種
料名滑藥分三種一卽羊桃俗呼羊桃梗一其樹大
一圍葉尖背有白毛俗名三條筋一其莖如指大結
黑子大如小豆葉似桑角似罌粟名大滑藥鄉人自
種春種秋生凡造紙用三條筋紙易用羊桃梗則
久逾佳大滑葉更在二種之上

白蠟 元和郡縣志播州元和貢蠟二十斤溱州元
和貢蠟四十斤珍州開元貢蠟蜀語白蠟蟲生冬青
樹枝上殼大如圓眼半核殼雨節摘下殼內細蟲如
蟻至立夏節生足能行用桐葉包繫冬青樹枝上其
殼底蟲能作白蠟走向葉背上住其殼口蟲仍爲蟲
種走向葉面上住如人定狀七月後葉背上者脫皮
走聚住枝上身生白衣漸厚卽白蠟也至處暑節採
下煎爲蠟葉面上者蛻皮走散住枝上漸漸長大初
如蟻如蝨漸如粟如米至冬如豌豆如大豆至明年
穀雨所謂大如圓眼半核者殼上有蜜一點至穀雨

蜜乾可摘此卽蟲種也

黃蠟 元和郡縣志 涿州開元貢黃蠟 陳志州縣貨產

桐油 陳志州縣貨產 戊巳編油桐樹郡無處不有
二三月盛花花蕾時必有凍風冷雨俗謂之凍花天
所謂二十四天桐子花也十月子熟去殼取米暴乾
碾末蒸熟用篾箍椶皮包之如鼓樣榨取油燈燭皆
資之榨油之法各異以包置榨間上下夾木板以木
撞撞槊取油曰撞榨置大木於榨頂用巨繩袞紐曰
絞榨榨前懸大木飛撞聲如霹靂山鳴谷應曰千斤

榨又有用二木空中置二木板中夾油包左右用槊
木撞撞取雖婦女皆力能之其油最清曰小榨油田
居蠶室錄若農家歲收桐子五石可獲錢十二千土
家僅收二石亦足供讀書五燈也

菜油 陳志州縣並出

烏柏油 田居蠶室錄 柏俗呼卷子樹聲之訛人家
種十株歲收子作膏足供祭祀之燭

馬鞍油 田居蠶室錄 馬鞍樹開花結子殼形如互
兩錢子在錢內熟時紅極取子榨油可作燭

蜜 華陽國志 平夷縣山出茶蜜 明統志 州縣俱有

蜀都賦蜜房郁毓被其阜陳志州縣貨產

茶 方言蜀西南人謂茶曰葍揚雄蜀都賦蔓茗榮
郁常璩巴志園有香茗茶經茶之出黔中生恩州播
州費州夷州茶譜涪州出三般茶賓化最上製於早
春太平寰宇記茶生益州山谷凌冬不萎三月三日
採乾而飲令人不睡明統志茶府縣俱有施肩吾蜀
茗詞越碗初盛蜀茗新薄雲輕處攪來勻山僧問我
將何比欲道瓊漿卻畏噴仁懷志小溪二郎土城吼
灘赤水產茶樹高數尋額徵茶課按五屬惟仁懷產
茶清明後採葉壓實爲餅一餅厚五六寸長五六尺

廣三四尺重者百斤外織竹筐包之其課本縣輸納
多販至四川各縣圃中間有種者與湄潭茶同亦不
能多也又有老鷹茶苦丁茶女兒茶甜茶皆生山谷
菸 姚旅露書烟草名淡巴姑產呂宋蚓庵瑣語烟
葉出自閩中邊土人寒疾非此不治關外人至以匹
馬易烟葉一斤崇禎癸未下禁烟之令民間私種者
問徒尋令犯者斬然不久因邊軍病寒無治遂停是
禁余兒時尚不識烟爲何物崇禎末徧處栽種雖二
尺童子莫不食烟矣彭遵泗蜀中菸說蜀多業菸藝
者歲十月堡土離爲一區一區曰一廂孕種其上廂

各廡茅屋一高五尺寬稱之防霜雪也春二月移樹
映田分行通水道以辰漑糞或曰用艾蝦溺味更辛
小滿去近土四圍葉令上梢適勃毋分氣夏至前收
積室中蒙以簞石謂之闕氣味色賴焉七日之後青
黃間錯出之用疎竹格二一承藉一偃合貫三橫後
曝烈日使乾名曰摺葉以草索絡莖縹風簷隙日下
陰之名曰索葉索醲於摺卷曲而不舒嗜生菸者便
之產者不名一地大約終歲獲利過稻麥三倍民爭
趨焉近日河坦山谷低峯高原樹藝遍矣駸駸乎與
五穀爭生死也按郡人種菸惟販索葉

五位子 蜀語文蛤卽五位子生於檉煙樹中有小
細蟲無數飛而齧人甚痒名蟆子又黃連樹葉上似
五倍小而花亦有此蟲凡采五倍子宜六月末蟲未
飛出時取蒸蟲死方澀而可用如遲蟲已出無味不
中用矣田居蠶室錄其樹土人名夫煙樹葉大似
丹者爲泡夫煙細似椿葉而短者爲鐵夫煙鐵夫
葉大者爲雄小者爲雌雄者不結子泡夫煙子結莢
蒂上鐵夫煙子結葉背結蒂者形似佛手柑結葉
似桃色間紫綠三月發葉子卽生六月摘取用沸水
微煮其中蟲盡死以供染用其未摘盡者明年自破

蟲飛出一蟲一子一枚蓋數百蟲也種蟲者摘其最老之子懸風處俟葉發時挂之樹一株歲可多得至二斤其蟲不生他樹此樹雖高二三尺歲亦必結數子樹開白花成簇結穗如蜀椴皮及葉亦可染黑瘦木 桐梓草志邑產乃多年木根得水氣而成者其文有人物山水各形製器美觀以香桂子爲最卽老鷹茶根也有黃白赤數種白勝黃黃勝赤黑而多水縫癥點者爲下次櫻桃次樟次柗黃棟惟橡瘦無近爲官吏爭購因材殘木山靈亦秘之不易得矣

桃笙 方言簞宋魏之間謂之笙南越志桃枝南人以爲笙博物志補桃竹之衣如織可爲簞故曰桃笙仁懷志蓋椶篔也

葫蘆笙 稗史宋乾德中牂柯人貢詔見詢以地理風俗令作本國歌舞一人吹瓢笙名曰水曲卽今蘆笙也峒溪纖志葫蘆笙大如孟長二尺止六管此六律初起六同未備之製也以依歌曲韻頗悠揚古穆澹宕可於此求元音之始

窰器 田居蠶室錄瓠甕罌鉢之屬出遵義班水者曰班水窰盤碗登壺之屬出綏陽石碓窩者曰石碓窰班水器用雜土色暗石碓器用塘泥色白並堅樸

價廉石碓器佳者尤渾雅可愛

羊肝石 播硯記播州城北十里產石居人取爲硯其石初取時極軟嫩琢之如陶者削泥以意製就火烘之始剛硬色如羊肝故名頗販遠惜不甚下墨

葡萄石 播石記郡產一種石色青絕硬中現蒲桃子纍纍天然形肖與石肝之葵花石可稱兩奇土人頗以製硯堅滑不宜墨若爲屏案置竹樓梅隴間大稱雅人高致

草類

芝艾鏡面青蒿千里光薇焦

陳志竝州縣產

薛 華陽國志晉縣有野生薛可食

虞美人 益部方物略記蜀中傳虞美人草予以虞作娛意其草柔纖爲歌氣所動故其葉至小者或動搖美人以爲娛樂耳贊曰翠莖纖柔稚葉相當逼而歌之或合或張益州草木記人或歌曲應拍而舞正安志州產按各屬皆有

仙人掌 本草多於石上貼壁而生如人掌故名田居蠶室錄葉厚如掌多刺相接成枝花名玉英色紅黃實似小瓜可食

八月瓜 救荒本草野木瓜一名八月楂又名杵瓜

蔓延生安附草木上葉似黑豆葉微小光澤四五葉攢生一處結瓜如肥阜大味甜

水蠟燭

〔心齋隨筆〕叢生池澤中形與燭肖故名李

調元詩竟是天生燭居然照滿川任風吹不熄經雨濕仍然紅影搖波直青藜逐浪圓三條思往事天祿媿當年

燈心草

〔仁懷志〕無節可編按各屬皆有種者頗獲

利

清明草

荒年雜詠野有草絨絨白色頂叢開細黃

花味微甘嫩時取和米粉少許作巴食之呼爲軟曲

巴名曰清明草清明時生以後漸老則不可食

竹花菜

荒年雜詠卽蘼草其葉似竹生水旁及陰

濕處人家磨豆漿以菜和煮者多用此凶年食之尤

眾

側耳根

〔鉅經堂集〕乾隆庚寅夏二麥無收斗米一

兩餘五月邑令開倉散賑村民皆掘側耳根采夏枯

草澱蕨粉以供朝夕荒年雜詠卽葢菜越王遇荒採

葢是此呼葢爲側者聲之訛

老鴉蒜

〔齊民要術〕荇似蒜生水中共救荒本草老鴉

蒜生水邊下濕地中其葉直生出土四垂葉狀似蒲

而短背起劍脊其根形如蒜瓣味甜鉏經堂集乾隆
戊戌大旱米價斗八九錢貧者掘老鴉蒜澱粉以食
近溪者采苦藕根食之荒年雜詠食者煮熟以籬盛
之水漂其澀味數十遍然後可食

扁竹根 戊巳編草類也多生籬落間根橫生如竹
節故名扁葉長尺許寬寸餘叢生心抽綠莖開花結
子大如指此草味辛性沉有積食者掘根和酒服之
效多服殺人

葶麻 本草綱目葶麻一名毛蕪川黔諸處甚多其
莖有刺高二三尺葉似花藥或青或紫背紫者入藥

上有毛芒可畏觸人如蜂螫蠶蠶杜甫除草詩自注
云去蕪草也墨莊漫錄川陝間有一種惡草土人呼
爲蕪麻又名蝦蟆草益部方物贊葉能螫人有花無
實冒冬弗悴可以祛疾明四川志蕪卽蝎子草滇黔
紀遊土人採以沃湯可療瘋瘖蜀語蕪麻苗似苧麻
芒刺螫人痛不可忍又名蠶麻有紅白二種紅者可
治黝症白者煎湯浸糯米爲粉油煎甚鬆用葉萎猪
易壯杜子美夔州除草詩曰其毒甚蜂蠶又云芒刺
在我眼注者以爲山韭字書又以爲菜名大謬

木類

椿楸桑柳冬青榆槐羅漢松 陳志 州縣木產

楠 蜀都賦 榿楠幽藹於谷底又曰交讓所植益部
方物略記楠蜀地最宜者生童童若幢蓋然枝葉不
相礙葉美陰人家多植之樹甚端偉葉經歲不凋至
春陳新相換有花實似母丁香贊曰在土所宜亭擢
而上枝枝相避葉葉相讓繁陰可庥美幹斯仰羣芳
譜又名交讓木文潞公所謂移植虞芮者以此明統
志楠木府縣俱有通志楠木產正綏桐三屬近亦難
得周霖楠木說綏邑諸山舊多楠必兩人引手方合
抱口時常見之今則無矣土城山陰有大楠二株蔭

庇數亩 纏巖石者數十丈今亦伐其一

樟 田居蠶室錄 俗名香樟製香者貴其葉桐梓夜
郎站民朝聚廟中有古樟二株相傳漢物也

杉木 明統志 杉木府縣俱有按桐梓城南三十里
毛坦有杉樹大三十圍

松柏 蜀都賦 松柏蒨鬱於山峯

桂 蜀都賦 其樹則有木蘭榿桂劉淵林注榿桂木
桂也

楓香 南方草木狀楓香似白楊葉圓而歧分有脂
而香其子大如鴨卵二月發華乃着實八九月熟暴

乾可燒戊巳編楓香數抱干雲插漢葉薄三稜葉大如李竅穴流白液凝如琥珀狀有香氣木性冷濕誤卧中風毒卽拳曲不伸遵郡產白楊楓木二木最多土人常材然木理白楊輕膩楓香粗脆善裂良楛以此

白楊 戊巳編樹高數仞皮色外白內黃葉圓尖枝柯柔脆二三月結線長二三寸吐白絲如綿飛散晴空高下若雪冬間取其皮斧細遍撒土中來年二三月叢生如林此植白楊之法

白蠟樹 本草枝葉狀類冬青四時不凋蜀人以放

蠟蟲故謂之蠟樹蜀語冬青樹俗名曰蠟樹田居蠶室錄俗名插蠟壓枝卽活山上水邊俱宜放蠟蟲必於此若種一二百株歲獲利與漆等

檉木 四川志古稱蜀木益部方物略記檉蜀所宜民家蒔之不三年材可倍常薪之用疾種亟取里人以爲利杜子美有覓檉栽詩贊曰厥植易安數歲輒林民賴其用實代其薪不棟不梁亦被斧斤按郡人多呼爲畫檉樹

檉櫪 揚雄蜀都賦檉櫪檉櫪

檉柳 本草南齊時益州獻蜀柳條長狀若絲纒卽

此

椶蜀都賦椶枒楔樅劉淵林注椶枒出蜀其皮可作繩履杜甫詩蜀門多椶欄高者十八九其皮割剝甚雖眾亦易朽蘇軾椶筍詩引椶筍狀如魚剖之得魚子味如苦筍而加甘芳蜀人以饌佛僧甚貴之南方不知也筍生膚囊中蓋花之方孕者正二月間可剝取過此苦澀不可食矣取之無害於木而宜於飲食法當蒸熟所施略與筍同蜜煮醋浸可致千里外田居蠶室錄多自生栽亦易活其皮用至廣編履製蓑織蓑最耐久每樹歲割十二皮貴時皮一錢若農

家有一百株椶歲可減千錢之費其葉亦中繩索

黃葛樹吳省欽黃葛樹考趙光祿文哲黃果樹歌

果特葛之轉音自敘州而下樹漸多漸大蔭漸廣水經注有黃葛峽宋熊本敗瀘州柯陰夷于黃葛下蘇子由自江陽見之以為嘉樹獨怪子瞻致能務觀諸公無一語及之按焉葛產桐梓松坎左右山中

紅豆益部方物略記花白色實若大紅豆以似得名葉如冬青蜀人以為果釘贊曰葉圓以澤素藹春數子生莢間纍纍如珠天祿識餘紅豆一名相思子古詩紅豆生南國春來發幾枝按俗呼娑羅樹皮葉

青黑色近本無枝上團團如蓋四時不凋葉似冬青
葉所在皆有惟遵義清溪有一株四五年一結子形
如胡豆絕圓若經十年始結則子逾大竝鮮紅異常
又沙溪里老木土石上有一株每歲春暮忽一日凋
葉卽日復生如故今年凋左明年凋右爲異云
漿梨木 戊巳編樹高丈許叢生白皮黃裏枝節刺
長一二寸結子夏青冬黑染家染綠布用之按俗多
呼爲綠條

椽子樹 玉篇椽木名似槐葉黃戊巳編其樹刺如
鐵釘長大如指傷人至死以爲挺可以禦侮大葉黑

皮結子如豆木理紅色曰紅椽白皮起殼葉尖圓白
理曰白椽以供薪蒸烈於青桐按此木四月開花攢
簇堅理異常土人用爲舂杵鋤柄之屬樹之大有至
數抱者

水紅樹 雲南志謂之水冬瓜大葉粗皮可作柱

黑達樹 陳志黑達樹在治北十里廟山埡昔有異
人識爲神奇按此木幹黑葉長青最堅難長郡中古

壇舊寺間有之

霸王鞭 田居蠶室錄節節皆如鞭形緣身布刺相
接爲枝幹有高至二丈者護墻落最宜折節插之卽

活

穀 陸璣詩疏穀江南人績其皮以為布又擣以為紙謂之穀皮紙其葉初生可以為茹西陽雜俎有辨曰楮無曰構蜀語楮樹曰穀音構其皮可以作紙田居蠶室錄構花可食皮供造紙蓄穀林者三年一獲視種田增數倍之利山谷間地宜多種

君遷 蜀都賦平仲君遷司馬公名苑君遷子形如馬嬭舊四川志今之造傘者用此作油

關天竹 夢溪筆談今謂之南天燭南人多植於庭檻之間莖如胡蘆有節高三四尺葉微似棟而小至

秋則實赤如丹南方至多

刺楸 戊巳編樹高者數丈周幹起泡如瘡有刺救荒本草刺楸樹皮色蒼白上有黃白斑文枝梗間多有刺葉似楸葉而薄味甘

楸木 荒年雜詠俗稱刺老包幹無枝葉莖頭一叢人取為茹食之見食物本草

青岡樹 救荒本草青岡樹今處處有之其木大而結椽斗者為椽櫟小而不結椽斗者為青岡其青岡樹枝葉條幹皆類椽櫟但葉色頗青而少花又味苦性平無毒椽子樹本草椽實櫟木子也其殼一名阜

斗所在山谷有之木高二三丈葉似栗葉而大開黃
花其實橡也有椽彙白裏其殼卽椽斗也椽實味苦
澀性微温無毒其殼斗可染阜石岡椽木高丈許葉
似椽櫟葉極小而薄邊有鋸齒而少花又開黃花結
實如椽斗極小味澀微苦戊巳編桐木有數種一曰
青桐平越呼爲麻子樹葉薄而青至秋黃赤色紅皮
白理皮間如蟲蝕狀子能肥豕郡人斬其大者令發
芽長二三尺謂之火芽以飼蠶卽山繭也一曰羅鬼
青桐白皮皮間起皺殼葉如猴栗子長如牛奶一曰
水青桐黑皮白理青葉不凋一曰紅細青桐黑皮紅
理葉亦不凋數種性最剛韌薪炭尙之無棟梁之用

竹

筋竹 〔陳志〕郡產戴凱之竹譜筋竹長二丈許圍數
寸至堅利南土以爲矛其筍未成竹時堪爲弩弦見
徐忠南中奏劉淵林云夷人以史葉竹爲矛卽是筋
竹一物而二名者也田居蠶室錄至大者徑四五寸
隨地皆宜農家製晒席箕簸之類視斑竹尤堅昇竿
必需此人家若歲生水竹三百箇筋竹一百箇斑竹
五十箇可售錢十千

斑竹

〔明統志〕播州出斑竹〔陳志〕郡產

苦竹 陳志郡產戴凱之竹譜苦竹有白有紫而味
苦田居蠶室錄質脆用者少宜作香燭心惟筍燒食
絕美

慈竹 王勃慈竹賦序生必向內示不離本修莖巨
葉攢根沓柢叢之大者或至百千株焉而榮結踰乎
咫尺好事君子徙爲階庭之玩元稹慈竹詩慈竹不
外長密比青搖華牙攢有森束玉立無蹉跎纖粉妍
膩質細瓊交翠柯亭亭霄漢近靄靄雨露多冰碧寒
夜聳蕭韶風晝羅烟含朧朧影月泛鱗鱗波鸞鳳一
已顧燕雀永不過蓋部方物略記性叢生根不外引

其密間不容竒生夏秋閱歲餘枝葉乃茂別有數種
節間容八九寸者曰籠竹一尺者曰苦竹弱質垂地
者曰釣絲竹或取節脩膚緻者用爲簞笠贊曰根不
他引是得慈名中實外堅筍不時萌末或下垂苒弱
綠縈蜀語竹作箴甚柔者曰慈竹叢生七月出筍甚
軟可爲繩惟川產最多利用最大別土不產與江東
慈孝竹不同田居蠶室錄人家宜種一二十窠耕穫
時用牽用束視他竹尤柔勁兼可護墻落

水竹 陳志郡產田居蠶室錄至大者徑二寸水邊
最宜器用資之最夥近溪農家製水輪輻大者必八

十箇以下輪廣之小者無算焉若不市于人一輪二歲減三千錢

金竹 陳志名荆竹按其竹不大鄉人食其笋利舊時綏陽縣城左右彌望皆金竹林故得金竹里之稱今墾盡惟望州里金鐘山近日竹笋最盛自昭通笋不殖此專利焉里人每春入山採伐販至重慶諸處今稱爲新笋子廠

桃竹 爾雅桃枝四寸有節蜀都賦靈壽桃枝劉淵林注桃枝竹屬可以爲杖本草蜀中出桃枝竹皮滑而黃犀紋瘦骨竹譜竹心中空惟此竹獨實如木華

陽國志江陽郡有桃枝揚雄蜀都賦叩節桃枝陳志郡產仁懷志如包如織倒植之可爲杖按桐梓婁化里產桃竹皮葉全類椶削其皮色純紫根具兩角者爲拄杖絕佳杜子美桃竹杖引所謂斬根削皮如紫玉出入爪甲鏗有聲者也按時背攬之忌出聲否則無角

紫竹 益部方物略記蜀諸山中尤多園池亦種爲玩然生二年色乃變贊曰竹生二歲色乃變紫伐幹以用西南之美陳志郡產田居蠶室錄堅勒似筋竹以爲几案杖架諸具甚雅潔雜作蓬壁羅文可觀俗

呼黑竹

方竹 〔陳志〕郡產益部方物贊竹箇皆圓此獨方形

厚倍於竅細節圓稜眾方寡取貴 〔缺〕

平竹 〔綏陽志〕邑產

刺竹 〔綏陽志〕邑產按各屬皆有

鳳尾竹 〔陳志〕郡產

觀音竹 〔田居蠶室錄〕葉細密無高大者種者僅供

玩八紘譯史觀音竹色黑如鐵出占城

花類

芍藥芙蓉海棠萱薔薇玉簪梅絳桃碧桃木樨梔子

紅白石榴繡球 〔陳志〕竝州縣產

瑞香夢花木筆紫荊紫薇金錢剪春羅秋海棠滴滴

金雞冠西番菊水仙鳳仙金盞 〔綏陽志〕邑產按各

屬皆有

玫瑰木香石竹 〔正安志〕州產按各屬皆有

蘭 〔仁懷志〕山谷中所在皆是〔田居蠶室錄〕山中多

有之佳者可次建蘭其不香者曰木蘭一種不沾泥

土根白盤結懸之自開一枝發十餘朵曰弔蘭不香

菊 〔牧豎間談〕蜀人多種菊以苗可入菜花可入藥

園圃悉植之郊野人多採野菊供藥肆頗有大誤真

菊延齡野菊瀉人仁懷志巖厂間皆菊可駐顏茲地人不識采深爲可惜按植者多至百種因形製名不

勝錄

牡丹

〔本草〕牡丹生巴郡山谷合州者佳

茉莉

〔通志〕南方草木狀稱其芳香酷烈嶺外海濱

恆多今黔省亦栽隔年則不花獨仁懷土地爲宜

西府海棠

〔仁懷志〕西府蜀府也云分自蜀王府中

又有鐵幹海棠

茶蘼

〔益部方物略記〕蜀茶蘼多白黃者時時有之

但香減於白花贊曰人情尙奇賤白貴黃厥英略同

實寡於香蘇轍次韵詠酴醾蜀中酴醾生如積開落

春風山寂寂已憐正發香曖曖猶愛未開光的皜

伊蘭

楊慎伊蘭賦序江陽有花名賽蘭香不足於

艷而有餘於香戴之髮紒經旬猶馨意古者初佩之

用頰浴之具必此物也西域有伊蘭以爲佛供卽此

漢書所謂伊蒲之供也羣芳譜伊蘭出蜀中名賽蘭

樹如茉莉花小如金粟香特馥烈戴之香聞十步經

日不散

紫繡毬

巖棲幽事蜀有紫繡毬

映山紅

〔本草〕杜鵑花一名映山紅草花譜杜鵑花

出蜀中者佳謂之川鵝花內十數層色紅甚

山茶 葯圃同春蜀茶紅白二色清而喜腴秋時用

烏豆水灌之其花益妍羣芳譜山茶以寶珠為佳蜀

茶更甚

蜀葵 爾雅蒿戎葵注今蜀葵也似葵花如木槿華

顏延之蜀葵贊并維降精岷絡升靈物微氣麗卉草

之英渝艷眾葩冠冕羣英類麻能直方葵不傾

天葵 响樓神書紫背天葵出蜀中靈草也生於水

際取自然汁煮永則堅

秋葵 本草作黃蜀葵寇宗奭云與蜀葵別種非蜀

葵中黃者說文黃葵常傾葉向日不令照其根按此

卽郡人所謂向日葵蘇軾題趙昌畫黃葵詩低昂黃

金杯照耀初日光檀心自成暈翠葉森有芒是此

金梅 雲南志花開黃色與梅同時故名又以垂條

似柳一名迎春柳按俗名迎春花

石蟬花 益部方物略記石蟬花始生其條森擢長

二三尺葉如昌蒲紫萼五出與蟬甚類綠黃相厠蜀

人因名之又白者號玉蟬花贊曰有蒼頡然有萼數

然取其肖象莫類於蟬

紅蕉花 益部方物略記於芭蕉蓋自一種葉小其

花鮮明可喜蜀人語深紅者謂之蕉紅蓋倣其殷麗云贊曰蕉無中幹花產葉間綠葉外敷絳質凝殷月季花 益部方物略記此花卽東方所謂四季花者翠蔓紅蔕蜀少霜雪此花得終歲一十二月月輒一開贊曰花宜四時月一披秀寒暑不改似固常守錦帶花 益部方物略記蜀山處處有長蔓柔纖花萼間側如藻帶然因象作名花開者形似飛鳥故里人亦號曰鬢邊嬌贊曰萼萼其條若不自持綠葉丹英蔓衍紛垂杜詩注錦帶花一名海仙花一名文官花有花如錦遂名錦帶條如郁李春來方開紅白二

色

蝎子花

東還紀程黔省山谷中多蝎子花

長樂花

傅元紫華賦序紫華一名長樂生於蜀其

東界特饒中國奇而種之余嘉其花純耐久可歷冬而服故與友生各爲之賦蘇頌長樂花賦莖丹外而縞中葉縹分以紅貫綴綠穎之重疊索紫蕤之爛漫益部談資長樂枝葉皆如虎耳草秋後叢生盆盎間開紫色小花冬末轉盛鮮麗可愛居人獻歲以此爲餽名曰時花

七寶花

益部方物略記條葉大抵玉蟬花類也其

生叢蔚花紫色絳苞贊曰擢穎挺挺盛夏則榮丹紫
含英以寶見名

旌節花 益部方物略記條條華碧皆層層而擢正
類使所持節然故以名見益州圖經贊曰擢條亭亭
層層紫丹狀若使節方圖實刊

朝日蓮 益部方物略記花色或黃或白葉浮水上
翠厚而澤形如菱花差大開則隨日所在日入輒斂
而藏於葉下若葵藿傾太陽之狀贊曰素花碧葉浮
秀波面日中則向日入還斂按郡人謂之子午蓮
打碗花 救荒本草蓄子根俗名打碗花一名兔兒

苗一名狗兒秧幽薊間謂之燕蓄根千葉者呼爲纏
枝牡丹亦名穰花生平澤中今處處有之延蔓而生
葉似山藥葉而狹小開花狀似牽牛花微短而圓粉
紅色其根甚多大者如小筋粗長一二尺色白味甘
性温

鐵線蓮 田居蠶室錄蔓生花大徑寸餘白瓣瓣上
布青綠纓一圍中心突出未橫起蕊如十字尖綴黃
粉其心有汁最甘可食花隨日而轉朝開暮合布落
穿籬清雅可玩

陽雀花 仁懷志杜鵑鳴時卽開如萱花味甘美可

食按此花枝似枸杞葉間有小刺花絕肖蠶豆花色黃一葉一花金光成串謂似萱誤也

燕脂 史記貨殖傳巴蜀亦沃野地饒卮薑注卮烟支也紫赤色

鴛鴦草 益部方物略記春葉晚生其稚鵲在葉中兩兩相向如飛鳥對翔贊曰翠鵲對生甚以匹鳥逼而觀之勢若偕矯

木蓮 白居易木蓮樹詩序生巴峽山谷間巴民亦呼爲黃心樹大者高五丈涉冬不凋身如青楊有白文葉如桂厚大無脊花如蓮香色艷膩皆同獨房蕊

有異四月初始開自開迨謝僅二十日益部方物贊葩秀木顛狀若芙蓉不實而榮馥馥其敷按婁山關木蓮千年來樹道光癸巳爲風折毀

天花 滇黔紀遊天花產峭壁間大如車輪色赤如火光映兩山皆如渥丹四月以後卽謝落

龍爪花 香祖筆記蜀有龍爪花色殷紅秋日開林薄間甚艷游宦紀聞載永福古讖云龍爪花紅狀元西東按土人名老鴉花其根卽老鴉蒜

悶頭花 東還紀程黔山中多悶頭花按花莖類百合高或丈許花似玉蘭瓣絕大遠觀絕可愛嗅之則

頭爲悶暈故名

鵝毛玉鳳花

益部方物贊本至卑纖蓬如釵股秋

開不蔕而鬚狀似禽故曰鳳色白故曰玉以其分至

輕故曰鵝毛贊曰華而無采狀類翔鳳么質毛輕翮

欲飛動

金燈花

薛濤金燈花詩闌邊不見蘘蘘葉砌下惟

翻艷艷藜細視欲將何物比曉霞初疊赤城宮按俗

名燈盞花

藥類

草烏何首烏車前枸杞益母草黃柏白芷香附當歸

金銀花石薺蒲天花粉威靈仙茵陳黃芩黃精鹿茸

荆芥香薷苦參牽牛蒼朮天門冬麥門冬蛇蛻山藥

茴香扁豆常山虎脛骨半夏杜仲山梔遠志瓜蒌

陳志皆州縣藥產

牛膝黃精天麻續斷石斛百合升麻白芨

綏陽志

縣產按各屬皆有

五味子紫蘇薏苡山茨菰稀薺厚朴枳殼木通瓜萘

桔梗陳皮青皮蒼耳

正安志州產按各屬皆有

前胡

綏陽志縣產按各屬皆有惟產遵義北雞喉

關者心如菊花他處不及數里外產者晒之關上卽

有菊花心川廣人歲於關上收買

五加皮 蜀語五加皮謂之白刺顛或曰白刺葉作

酒麩藥譙周巴蜀異物志名文章草蜀中葉三歧蘇

州葉五歧蜀異物贊文章作酒能成其味

當歸 本草今川蜀皆以畦種尤肥好多脂

大黃 本草蜀川錦紋者佳又蜀大黃及作繫片如

牛舌形謂之牛舌大黃

附子 揚雄蜀都賦薑梔附子

透山根 峒嶼神書透山根生蜀中山山谷草類藤蕪

可以點鐵成金

黃連 通志黃連府境及各屬俱出仁懷志根即生

葉長三四寸以根為幹葉數瓣深碧色茲土所產頗

佳按遵義北鄉有地名黃連堡產者尤多

仙茅 通志仙茅出府南境

巴豆 華陽國志江陽郡有巴菽蜀都賦其中則有

巴菽巴戟

海芋 益部方物略記海芋生不高四五尺葉似芋

而有幹根皮不可食方家號隔河仙云可用變金或

云能止瘧贊曰木幹芋葉擁腫盤戾農經不載可用

治厲本草綱目海芋一名觀音蓮一名羞天艸一名

天荷生蜀中今亦處處有之

鈎藤 田居蠶室錄郡產鈎藤以色紅者良遵義大

溪里蘇箭棚所產為勝

倒築傘 田居蠶室錄枝葉結子與葍秧蔗絕似其

生也枝末挂地即生根復起再長挂地復然大者竟

不知本末所在子可食根可入藥

紫草 田居蠶室錄生山中花葉似胡麻惟幹圓結

子如蘇麻子大根紫紅色春生秋後葉落幹枯其根

始紅掘之供用

羽類

鷹鷂鳩鳧鷺鷥燕雀鴛鴦烏鴉鵲伯勞鷓鴣 陳志

竝州縣禽產

畫眉啄木鷓鴣 綏陽志邑產按各屬皆有

鸛隼鷓鴣黃雀鷓鴣 正安志州產按各屬皆有

白鷓 陳志郡產仁懷志其文斑斑然修尾

鷓鴣 陳志郡產仁懷志縣特盛

黃鸝 通志府屬俱有

畫眉 通志府屬皆有

杜鵑 華陽風俗錄大如鵲而羽烏聲哀而吻有血

春至則鳴本草杜鵑小如鷓呼鳴不已蜀人見鵲而

思杜宇故名金川瑣記綬靖屬之遜克宗地名有一種雀形如斑鳩長尾常自呼曰貴貴陽書夜不絕聲土人目爲陽雀云係雀王深栖叢莽不喜飛翔日俟羣雀供蟲豸此雀非蟲不食夜間與叫月子規空山答響倘亦開明魂化耶按本草綱目李時珍引諺云陽雀叫鷓鴣央鳩音桂卽楚詞之鷓鴣漢書之鷓鴣今郡人呼貴貴陽者字異實聲同也瑣記謂與子規別一鳥非是

吐綬鳥 西陽雜俎大如鷓鴣羽色多黑雜以黃白頭頰似雉有時吐物長數寸丹彩彪炳形色類綬因

名爲吐綬鳥又食必蓄嘍臆前大如斗慮觸其嘍行每遠草木故一名避株鳥太平寰宇記夔州產大如翟而五色可愛天和淑景卽吐綬長一尺許須臾還吞之按蔡寬夫詩話又名真珠雞今桐梓西北山箐中有之羽錯白圓點嘍藏肉綬闊數寸紅碧相間遇晴則頂上先出肉角二寸許然後徐舒其綬其鳴如人呻吟

百舌鳥 益部方物略記出蜀中山谷間毛彩翠碧蜀人多畜之一云翠碧鳥善效他禽語凡數十種非東方所謂反舌無聲者往往亦矜鬥至死不解然捕

首告罕故惜之不使極其擊云贊曰綠衣紺尾一啼百轉可樊而畜爲世嘉玩

鷓鴣揚雄蜀都賦裊鷓鴣鷺東齋記事蜀之魚家養鷓鴣十數日得魚可數十斤以繩約其吭才通小魚大魚則不可食時呼而取出之乃復遣去其馴狎指顧如人意有得魚而不以歸者則狎羣者啄而使歸比之放鷹鷂無馳走之勞得利又差厚緇素雜記峽中人謂鷓鴣爲烏鬼養之取魚爲業四川志卽杜詩所謂烏鬼也

錦雞蜀都賦蝻蜺山棲劉淵林注蝻蜺鳥名如今

之所謂山雞雄色斑雌色黑出巴東中華古今注逸周禮曰文翰若采惟周成王時蜀人入獻也陳志州縣竝產仁懷志錦雞項一圍五色相雜尾如孔雀爛朗景彰

箐雞池北偶談箐雞產水西長尾白羽羽之周遭黑文緣之如淡墨所畫或畜之見人輒避去終不馴擾按此郡縣皆有伏卯洞中其聲如人啼竹雞陳志郡產按竹雞短尾褐羽飛不能高常羣遊竹間鳴聲不已捕者聚葉爲埒埒間開多門以繩套置門口急逐之則受繫矣或不設埒套被逐急則

物產

大頭葉間俗謂作事不顧後者為竹雞形飼之辟白

蟻 桐花鳳 益部方物略記二月桐花始開是鳥翱翔

其間丹碧成文纖紫珍尾仰露以飲至花落輒去蜀

人珍之號為鳳或為人捕置樊間飲以蜜漿舖以炊

粟可以閱歲蜀士以繪扇唐李衛公嘗為賦贊曰金

花之露俗曰鳳類綠羽纖爪藻背翠尾花落則隱以

是見貴按此鳥桐梓有之

護花鳥 益部方物畧記至春則鳴其音若云無偷

花果髣髴人言云贊曰茜首黑裳黃駁其羽厥鳴嚶

嚶若禁若護名而不情盜者猶懼按郡人呼為嬌早

苞穀或呼早早布穀各以音相似名之實一鳥也

點燈捉蛸蟥 蜀都碎事春時每至夜半有鳥鳴其

聲云點燈捉蛸蟥土人云昔有夫婦為蚤所苦夜起

點燈時以雨屋頽壓斃遂化為鳥飛必匹偶鳴必相

應亦可異也

山鳳皇 心齋隨筆大如雀色白長尾飛必雙不常

見出遵義天旺里十二茅坡諸山

翡翠 戊巳編郡屬皆有土人呼為青水翠捕得者

販他省製飾最良

鐵稜甲 仁懷志身小如鷹方能捕鷓覺軒雜著此
鳥大如畫眉尾岐如魚尾觜距如鐵身黑色故名短
小精悍鷹鷂之所畏也嘗坐庭中鷹下攫雞雛去此
鳥二疾去如風撲鷹左右鷹毛散落雛墮地復生
山胡 蘇軾山胡詩自註善鳴出黔中蘇轍次韻山
胡詩山胡擁蒼毳兩耳白茸茸野樹啼終日黔山深
幾重啄溪探細石噪虎上孤峰被執應多恨筠籠僅
不容按山胡形似畫眉灰褐色頰黑而白耳鳴聲自
一字至五字脆婉可聽

毛類

虎 居易錄李刑部言遵義府多虎有四種斑虎與
常虎文質同黃毛虎無黑文尤猙惡蓑衣虎毛長被
體如蓑衣狀刀箭不能入而朱虎最猙嘗聞於綏陽
縣村落間二日齧三十七人捕之則咆哮入山卒不
能致其毛殷紅如猩猩羶色常璩巴志秦昭襄王時
白虎爲害自秦蜀巴漢患之秦王乃重募國中有能
殺虎者邑萬家金帛稱之於是夷胸忍廖仲藥何射
虎秦精等乃作白竹弩於高樓上射虎中頭三節白
虎常從羣虎瞋恚盡搏殺羣虎大响而死秦王嘉之
僧徹字一庵集有康熙乙丑聞虎屢入綏陽城詩仁

懷志縣有虎匠邑令與之券令尋虎以白竹弩濡以藥射殺之覺軒雜著俗言三虎一豹常疑之近地線雞水有虎乳子山洞中其母覓食村爲不寧村人乘母出至洞縛二子置樹顛其母至咆吼掘樹以此知虎生子無多大約每乳一虎一豹云趙毓駒殺虎記乾隆二十年虎夜入桐梓汎官署銜千總某妻去某率兵民數百人逼索城中次日得之後山已食盡惟餘一足眾官因募獵戶捕虎時一囚在禁聞之告曰若宥我虎不難捕也遂縱之囚卽召其徒凡數輩持殺虎具來尋數日得其穴虎見之驚走逐至木礮虎

走負隅待囚囚以傘進虎躍起銜之機發口不能張翕囚牽以行其徒有捉虎耳者有擊虎尾者入城獻俘千總寸磔別有二虎數日中亦爲囚殺

山水豹 居易錄李刑部又云遵義有山水豹皮有斑文自然成山水形宛如圖畫

松花豹 仁懷物產記友人劉君得一皮其章如鼠而狀似豹差小名曰松花豹蓋爾雅豹鼠也

水鹿 居易錄章邱胡武舉隨其兄任真安州州遵義屬也云鹿有三四種最大者曰水鹿狀如水牛重五百斤

犀 揚雄蜀都賦馬犀象麋太平寰宇記南川貢犀
角明統志犀角綏陽縣出陳志按舊志廢綏陽縣出
犀角考廢綏陽縣在真州長官司東南二百五十里
在隋屬思州宋大觀置承州宣和初廢割隸珍州後
廢則廢綏陽實思州地今綏陽無產者

象 蜀都賦犀象競馳太平寰宇記南州溱州貢象

牙

熊 明統志府縣俱有仁懷志熊於山中必有停處
謂之熊館

獠 揚雄蜀都賦獠胡雖獾猿雖獾獠明統志府縣

俱有

麋 山羊野豬 陳志並州縣獸產

麕 仁懷志如鹿而小足亦不同

狐 陳志郡產仁懷志有九節狐其尾有節腎即麝

也

獾 仁懷志狀如犬皮可寢處

萬萬 仁懷物產記童子告余茲地有野人至人家

輒蹲雞埒上暮與人宿嗜食人指蓋萬萬也

獾 仁懷物產記輿人指而告余曰茲嘗出獸黑章

白臆能食鐵非即山海之獾乎

竹鬮 陳志郡產仁懷志其皮如貂

豺 陳志豺狼郡產田居蠶室錄俗呼豺狗前二十年未聞有此數年間歲日增多初時聞間食犬羊豕漸及幼孩漸及老壯近無日不聞食人且晝或入水田啖鵝鴨夜或破雞棲盡其羣各城城樓之上公署左右晝卧夜嗥如遊無人之境亦極奇矣此物胆大多智瘠而有力善走獵戶以無肉皮亦無用見則縱之村民隻身見者則不敢逐逐亦須與不知去處里中夜行必相戒攜器刃或遇三五成羣東西呼嘯其聲如鬼為之胆裂山埋路堵其淺者每為所掘食為

虐極此苟長吏懸賞以鼓獵戶令民以竭作之法圍山搜箐以時行之雖不能無遺育庶有豸乎

鱗介類

鯉魴鱮鱖 陳志並州縣鱗產

鯖鱸鼈吹沙魚赤尾白小 綏陽志邑產按各屬皆有

有

鮎青魚白鱖 正安志州產按各屬皆有

文龜 太平寰宇記溱州貢文龜明統志文龜廢溱州出陳志按文龜斑布丹砂一統志誤載廢溱州出歷查並無

鯉魚 通志府境所產不大漁人偶得之亦如都勻
鱖魚 以通省所無而珍按綏陽冠子山下龍泉內產
此俗呼油黃魚色黃大者十餘斤春時出遊泉外頃
仍入泉不至溪釣者不能得惟潛網之每得一二味
絕美

嘉魚 太平寰宇記細鱗如鱒蜀人謂之拙魚蜀都
山中處處有之每歲二三月隨水出穴八九月逆水
入穴
石斑魚 墨客揮犀南方溪澗中有魚生石上號石
斑魚作鮓甚美至春則有毒不可食按今溪中石斑

魚黃腹黑背無鱗腹平如掌長不過二三寸附石而
行五六月捕魚者照以火於石上捉之

桃花魚 宋熊文稷忠州桃花魚記是魚形出五色
近淡墨蕊其足也生於社日前後桃花開時始逐隊
而出入夏日卽化去土人以形似桃花故名不特此
地始有蜀都碎事梁山縣有桃花洞洞口小溪中出
魚曰冰雪魚每當桃花勝開之時其魚頭上有紅骨
一片狀類花瓣桃花落盡魚之頭骨亦無矣按桐梓
北新站溪中出之頭沁紅形如桃花瓣
哇哇魚 桐梓志邑產爾雅鯢大者謂之鯢注今鯢

魚似鮎四腳前似獼猴後似狗聲如小兒啼大者長八九尺別名鰕舊四川志鯀魚大首長尾善緣木天旱輒含水上山以草覆身張口露水鳥來飲水因吸食之性有毒按嘉慶中桐梓水漲有一媪至魁巖民家乞食民家食米荳飯與一缶媪緣河去午後此民捕得一哇哇魚甚巨剖其腹前飯在焉大駭棄之

龜蠃螺鼈蚌穿山甲 陳志並州縣介產

石龜 鹿遊詩自註產桐梓水銀夜郎諸溪剖石出之形與龜絕肖潘元音石龜記南平之南有溪曰夜

郎東行四十里有地曰安穩壩地接黔壤山嶽寄產石龜狀類龜形口鼻爪甲畢具胎大石中居民識之每雨霽後於崩巖墜穴間剖之得小卵石光圓密栗其色黃其燥濕協陰陽俯仰皆肖天然可觀土人云養之期年則有活致置水盆中曉則復聚一處三周則目擊其行走七載則化活龜去矣其養之之法書以米夜以水或曰石燕也天將雨則舞今試之水中猶能自吐沫珠云

黃連蛇 鄭仲夔冷賞凡產黃連之地必有小蛇尺許盤旋其中觸之傷人必先去小蛇然後恣採按此

蛇色黃惟食黃連葉上露不他往也

蟒 夢餘筆談七八歲時從同館生往三台山掘野薯山半田阡有一井不甚深廣時循井過赤日行空禾苗茂鬱忽起黑雲一朵生曰雨且至亟偕下山突見一物吸於井首黑毛絨絨戴一角高三四寸有赤冠長二三尺高寸餘眼如銅鈴身徑尺許從首以下如丈許爛木餘為禾蔽不知長竟相駭曰龍也俱急走頃雷電大雨平地水湧尺餘明日耕人跡所過處禾空一道競言龍行不知實蟒也

棒蛇 鏹尖蛇 田居蠶室錄山中產一種棒蛇長者

二尺形若竹棒兩頭如一不知其首尾行則一頭觸地一頭翻起互翻互觸而行最速一種名鏹口尖長似常蛇惟兩頭俱尖亦不知其首尾俱能傷人二種是古之言蛇所不知者

蟲類

蜂蝶 蜻蜓 蚋 螳 娘 蜈蚣 陳志並州縣蟲產

蠨 螭 本草經一名土蜂 生熊耳山谷及牂柯或人

物間

螞 蟻 舊通志元馮士啟者許昌人仕黔為順元府

經歷嘗奉遣抵驛站日已暮站吏告曰今夕馬蚌上

岸麻色須暫停以避之詰其故閉目搖手不敢言馮怒越馬行數十里至溪畔忽見一物如屋烏刺赤下馬伏泣若訴狀再詰之仍閉目搖手不答馮於是下馬祝之曰某竊祿於此苟天命合盡爾其啖之否則容我行祝畢卽轉入溪中腥風毒霧尙觸人口鼻乃各上馬比曙抵前站吏驚曰是何麻色胆乃若是馮問此何物始敢言曰螞蟻精也馮後官禮部尙書烏刺赤站之救馬者

珍珠蟲 田居蠶室錄生林箐中長寸餘色白人觸之卽拳若珠一顆滾入草間故名

土鼈 生舊宅及朽木中形如鼠婦團而赤色伏土內斷而續之仍活也能治血證折傷

筆袋 長不及寸色赤傍樹根吐絲結一囊上系於樹半在土中身伏囊底飛蟲粘囊上卽升而食之出囊卽不能動畜畫眉者覓以供飼謂能壯其鳥

水端公 形如鼈背皆斑點大者如指大喜浮水面足出背兩弦髻峭出水如斜植母字驚之一縱下可二三尺旋仍縱起每誤縱上岸行或跳皆可返池中生此可娛靜觀以其善跳舞盤折故得端公名

秧醫 生田中大如指黑殼背有短針插秧者久勞

血縋於手致臂腫竟取以其針針之卽愈仍放之去
偷油婆 生廚竈間身翼皆赤黑速走羣燕遊食閣
內渾身脂濡濡驅去旋視之又脣入膏缸矣然毒蟲
避之

春碓婆 大如小豆八足且長有跪常聚門壁隱處
小兒斷其足輒掣不已如春然因名

魚蝨 生魚翅下或腹中絕腥治翻胃有神驗魚生
此卽病不能長

蛇皮蜂 形如長踦蜂微小結窠樹枝上連連而下
懸長者至尺許孔皆橫向若垂鞭爆故名並同上

飲食類

火米 蜀語熟穀曰火穀春成米曰火米用秔稻水
煮滾住火停鍋中一夜次早漉去水又用火蒸上氣
晒乾爲米每斗穀多得米一升每升多食一人疑是
仙傳如稷稻依法作炒米甚鬆李德裕詩曰五月
畚田收火米異物志曰交趾夏月稻熟曰火米皆以
火米爲生成非也

茅苔酒 田居蠶室錄仁懷城西茅苔村製酒黔省
稱第一其料純用高粱者上用雜糧者次之製法煮
料和麴卽納地窖中彌月出窖煇之其麴用小麥謂

之白水麴黔人又通稱大麴酒一曰茅苔燒仁懷地
瘠民貧茅苔燒房不下二十家所費山糧不下二萬
石青黃不接之時米價昂貴民困於食職此故也
咂酒 蜀語筍酒亦曰咂嘛酒以稷米或麥粟黍
釀成酒熟時以滾湯灌壘中用細竹筍通節入壘內
咂飲之咂去一杯別取一杯熱湯添之壘口是水酒
不上浮至味淡乃止華陽國志郫縣有一井井邊有
竹截竹爲筍以吸井水水變爲酒他竹則否竹盡則
井亦凡水矣杜子美曰酒憶郫筍不用沽至唐時已
無故曰憶井水爲酒故不用沽今之咂酒蓋仿佛郫

筍遺意峒溪纖志咂酒一名釣藤酒以米雜草子爲
之以火釀成不芻不酢以藤吸取多有以鼻飲者謂
由鼻入喉更有異趣滇行紀程苗人以蘆管吸酒飲
之謂之竿兒酒楊慎飲咂酒詩醞入煙霞品功隨麴
蘖高秋筐收橡栗春瓮發蒲桃旅集三更興賓酬百
拜勞苦無多酌我一吸已陶陶

銀絲麴 心齋隨筆綏陽製水引極細者曰銀絲麴
其城中所製尤佳商人多販至湖南北四州市者珍
之

烏江麴

蘆洲偶筆烏江關岸上一民家製麴博如

大韭葉味絕佳兩岸多有學製者皆不及也以地稱
烏江麪市者以爲珍餽云

資巴

蜀語蒸糯米揉爲餅曰資巴卽禮記粉粢注

云以豆爲粉糝資餅上也凡餅塊爲巴蜀之通稱

茶食

田居蠶室錄人家所作食品稱茶食名物極

多其蒸糯米以木規團之厚半寸許上點以五色曰
米花其用糯米粉擀成片煮之復和粉攪而擀之穿
剪成各形曰米葉其用糯米粉漿灑之微熱釜中令
層起中空如網如羅紋亦點以五色曰米線三者皆
以豨膏炙之味鬆脆其用糯米漬至一月聞之氣絕

臭探之米只存心漉之盛以木盆杵爛以箸挑成條
曝乾用沙燻之曰米纈其切爲顆燻之如鵝卵大者
曰米果皆色微黃味甘富家婚事以諸物爲尙親戚
多先製此餽之惟米纈不常作以其太暴殄也

搗茶

薛能詩野色生肥芋鄉儀搗散茶甕牖間評

余生漢東最喜啜鼎茶間時嘗過一二北人知余喜
啜此則往往煮以相餉未嘗不欣然也其法以茶芽
盞許入少脂麻沙盆中爛研量水多少煮之其味極
甘腴可愛蘇東坡詩云柘羅銅碾棄不用脂麻白土
須盆研者是矣而東坡詩又云前人初用茗飲時煮

之無問葉與骨茶錄中亦載茶古不聞食晉以降吳人採葉煮之號茗粥則知啻茶者自晉蓋有之矣非復今之人始食也按黃山谷詩雞蘇胡麻雷渴羌不應亂我官焙香所云雞蘇胡麻亦指啻茶可爲一證今郡人食擂茶者雜茶芽花椒雞蘇脂麻研之間加胡桃肉火麻亦可研先時盛用罌粟種者非製此無所用自鴉片禁行茶風亦稍衰矣

遵義府志卷十七

